


Universitätsbibliothek Wien

I

A

230.708



~~53~~

C Molnerus C 1553
J.W.

L. 16. C

H. P.

27. D.

Brigabuum:

1. *Seropsectiva communis restituta a G.
Hartmann.*
2. *Engelhartius: de quadrante.*
3. *Dryander: de annulo astronomico.*
4. *Glareanus: geographia.*

PERSPECTIVA COMMVNIS.

Ideo sic dicta, quod contineat elementa τῆς ὀπτικῆς, omnibus philosophiæ studiosis necessaria. In hac enim doctrina inchoatæ disputatiōes philosophorū, de natura, & proiectione radiorum uisus, lumen, colorum & formarum absoluuntur. In quibus & de speculis tractatur.

Summa cura & diligentia emendata, & ab infinitis quibus scatebat mendis repurgata, necnon in quibus deficiebat demonstrationibus restituta.

Per Georgium Hartmannum
Norimbergensem.

Norimbergæ apud Iohan. Petreium,
Anno M. D. XLII.

NOBILI ET GE
NEROSO DOMINO IO-
ANNI TSCHERTE, SERENISSIMAE RO.
Regis Architecto, Georgius Hartman, S.D.

 v m de dignitate & præstantia artium & disciplinarum, rectissime ex earum subiecto & methodo, indicium sumatur, ut Aristoteles admonet: ea doctrina, quæ optice seu perspectiva dicitur, merito principem locū inter reliquas liberales disciplinas obtinebit. Hæc namq; per Physicas, & Mathematicas demonstrationes, quibus nihil certius esse potest, absolutissime perficit inchoatas Philosophorū disputationes, de natura & proprietate lucis & potentiæ uisus, quare nihil admirabilius, nihilq; præstantius, in toto hac uniuersitate & rerum natura existit. Quare autem nostro alijs florētissimo omniū liberaliū artiū seculo, hæc dulcissima de tantis rebus disciplina, usq; adeo in tenebris delitescat, ut ne quidem in frequētis, scholis audiatur, sœpe mirari soleo. Secūdū maturā Clarissimi Ioannis de Regiomōte morte, ei obstatre video, quo minus se ē latebris hactenus pripere potuerit. Hic em̄ editurus erat Ptolomæi πλανητικῶν libros, q; ut uir iste in aliis excelluit rebus omnibus, ita dubio pcul sunt absolūtiſſimi.

E P I S T O L A

tissimi. Et nescio quo fato in relictis Regiomontanii
monumentis nusquam appareant.

Totam hanc doctrinam Ptolemæus quinque libris complessus est. In primo libro prosecutus est, proprietates lucis & uisus: ostendit quomodo & in uirtutibus & in motibus coeniant & discrepant: assignauitque cuique species cum eorum differentijs & accidentibus.

In secundo docet, quae sint res uisibiles, qualis cuiuscum sit habitudo, qualiter unaquaque res uisibilis videatur, & quot modis res uisibiles uere uisu apprehendi possint.

Tertius liber, est de his quae per reflexionem in speculis planis & conuexis uidentur.

Quartus est de his, quae in speculis concavis, compoisis, aut per duo, aut plura specula uidentur.

Quintus est de his, quae uidentur per refractionem.

Argumētum tanti operis habemus, extat & apud nos eius fragmentum, quod tamen quia unicum habemus exemplum, non ausi fuimus, propter eius depravationem, publicare.

Cum igitur hac in parte Reipub. literariæ, non sicut optamus subuenire possimus, duxi Perspectiuam communē, quae nobis pueris proponebatur, emendatā, & suo nitorī restituā publicandam. Eius autor esse perhibetur Ioannes Pisanus, olim Episcopus Cameracensis. Apparet eum & uirū doctū & diligentem fuisse. Nec enim est cuiuslibet Isagogen alicuius artis conscribere, sed hominis periti & artificis, qui perfectissime eā, quam profitetur artem, calleat, item hominis acris iudicij, qui uideat

uideat quid sit in arte præcipuum, & quomodo studiosi ad altiora quasi manu ducendi sint. Hic igit̄ libellus et si innumerā utilitātes habet, sicut uident qui in explicādo Aristotele, & in Physicis uersantur, tamen uel methodi causa publicandus erat. Multi qui philosophiæ professores uideri uolunt, à Mathematis tanq; ab artibus ad Philosophiā inutilibus suos dehortantur. Sed hoc faciūt, ut artes iudicio neglexisse uideātur, quas uel pueri non didicere, uel propter ingenij obtusitatē affe- qui nō possunt. Sed Deo dante hoc libello, & alijs quos in manibus habemus, taliū professorū auriculas studi- os ostēdemus. Nec dubito quin generosa ingenia hic libellus excitaturus sit ad Mathemata amplectenda, cū harū artiū immensas quasi utilitātes cernent. Qui uero sequi malunt illorū, de quib; dixi, iudicium, per nos quoq; licebit, ut cum Polyphemo nunq; luce fruantur. Hūc igit̄ librum doctissime Ioannes multis de causis suo nomini inscribendū duxi. Primo ut in libello scho- lastico, qui ad q; plurimos uēturus est, nostrā quā jam olim cōtraximus amicitiā testatam facerem. Deinde ut ipse, qui es harum artium peritissimus, nostri laboris, in hoc opere emensi, & omnium harū artium patroci- nium susciperes, ac nos iuuare in inquirenda Ptolemaei & Alhacen perspectiua, iudicaui etiam te meo exemplo excitandum, ut nobis tua communices, quæ ex hac arte, ad μηχανῶν referre doces. Olim Parrhasius & Zeulis pictores inter se ita certabant, ut res non pingi sed fieri uideretur. Hoc nostro seculo quidam Itali ingenij bo-

nitate assequuntur. Sed uulguſ ita reſ ſuas pingit, ut
etiam ſine diligenti intuitione picta appareant, interim
tamen uere perſpectiuam ad uſum conſerre uolunt ui-
deri. Quem defectū tu nobis precor ut breui emedes,
Dabo & breui in lucem Opus noſtrū de Vmbris, quem
Herculeum laborem tua nixus autoritate, ſubij. Quare
& tu hac in parte publicandis Stiborij libris de Vmbris
Rempub. iuuabis. Bene uale. Norimbergæ III. kal.
Septembris, anno Domini M. D. XLII.

PERSPECTIVAE COMMVNIS, LIBER I.



INTER Physicæ considerationis studia, Lux su-
cundius meditantes afficit; inter magnalia Ma-
thematiscorum demonstracionum certitudo p̄r̄
clarior inuestigantes extollit. Perspectiva igitur
humanis traditionibus recte p̄fertur, in cuius area linea radis
demonstrationum nexibus applicatur: in qua tam physices
quam Mathematum gloria & certitudo, utriusq; floribus ador-
nata, reperitur. Huius sententias & conclusiones omnibus aim-
bagib; relectis, in compendiū contraham, quib; tamen pro-
ut māteria exigit, naturales & mathematicas demonstrationes
adīciam, & partim effectus ex causis, partim uero ex causis effe-
ctus deducam, necq; quæ ex his bona consequentia elicuntur o-
mittam. Et precor, ut Deus Opti. Maxi, lux omnium, & ipse in
immensa luce inhabitans, meos conatus adiuuet, meq; illustret
& deducat ad proprietatem & naturā lucis, quam tractandam
fuscipio, inquirendam & patefaciendam. Diuidam autem hoc
nostrum opusculum in tres libellos, Primus erit de luce & uisu.
Secundus de radio reflexo, Tertius autem de radio refracto.

Propositio I.

Lucem operari aliquid in uisum contra se conuer-
sum impressiue.

Hoc probatur per effectum. Quoniam uisus in uidendo lu-
cem fortē, dolet & patitur, & lucis intensæ simulachra rema-
rient post aspectum fortis lumenis, nec non locum minoris lumi-
nis apparere facit obumbratum & tenebrosum, donec ab oculis
majoris lumenis uestigium euanuerit,

b

Propositio

PERSPECTIVAE COMMUNIS
Propositio II.

Colorem illuminatum impressum operari in uisum,

Hoc similibus experimentis comprobatur. Oculus namque super colorem à fortí luce fortiter illuminatum, fixa intuitione conuersus, si ad colorem debilius illuminatum se deflexerit, inueniet colorem primum apparenter secundo permisceri: defert enim secum oculus, coloris fortius illuminati relicta quædam uestigia, ad colores minus illuminatos.

Propositio III.

Quemlibet punctum luminosi uel illuminati, totum obiectum sibi medium simul illustrare.

Hoc probatur per effectum. Quoniam quilibet punctus luminosi uel colorati uisibilis, est in qualibet parte medijs sibi obiecti. Sed luminosum uel coloratum non uidetur nisi imprimendo aliud super uisum. Ergo imprimit in omnem partem medijs.

Propositio IIII.

Totum luminosum uel illuminatum pyramidem sui luminis in quolibet punto medijs terminare.


Hoc patet, quoniam si quilibet punctus luminosi illustrat quemlibet punctum medijs. Ergo totum luminosum illuminat quemlibet punctum. Quod esse non posset, nisi luce pyramidæ liter in quemlibet punctum cadente, per quam pyramidem uideri potest.

Propositio

Incidentias radiosas per angularia foramina transcurrentes mediocris magnitudinis, in obiectis corporibus, à foraminibus remotis rotundari, semperq; fieri eò maiores, quo remotiores.

Hoc sequitur partim ex quarta præmissa: quoniam in quoque puncto medijs pyramidaliter terminati, non sicut ibi, sed inter secando se procedunt ultra. Quando igitur radij per foramen incident angulare, qui producti, in foramine uel iuxta, se intersecant, incipiunt dilatari, & si radij in foramine se intersecantes ad eam distantiam in rectum producerentur, qua ex alia parte Sol à foramine distat, paret quod dilatarentur ad quantitatem Solis. Quoniam anguli ad uerticem per x v. primi elementorum sunt æquales, & latera ex utraq; parte pyramidis aequalia, ne cesset quoq; erit per quartam primi Elementorum Euclidis bases æquales esse. Causam autem rotunditatis incidentiarum, diversi diuersimode conati sunt assignare. Quidam simpliciter hoc Solis attribuunt rotunditati, quod sicut radij à Sole procedunt, ita rotunditas à rotunditate, & huius rei conjecturam ex Solis Eclipsibus sumunt. Quando enim tempore Eclipsis Solis, in loco tenebroso per quodcunq; foramen radij Solis excipiuntur, est uidere basim pyramidis illuminationis corniculatim ea ratione obumbrescere, qua Solem Luna tegit. Verum si haec causa esset sufficiens, tam prope foramen, quam à foramine longius, tales incidentiae radiosae ad rotunditatem tenderent, cuius contrarium contingit. Alij uero subtiles huius rei causam inquirentes, assumunt quidem ut causam Solis rotunditatem, sed remotam; radiorum autem intersectionem ut propinquam. Quod ut fiat illustrius, accipiatur foramen triangulare A B C, & sit superficies triangula in corpore Solis D E F, & D E basis pyramidis

PERSPECTIVAE COMMUNIS



hæc in plano declarari possunt. Facile nanc̄ intelligi potest,
quo-

midis triangulæ per dictum foramē incidentis, ac latera ipsius lateribus dicti foraminis applicentur, & in rectum ultra foramen ducti terminentur in puncto g. Deinde imaginemur circulum in Sole, dictum triangulum nō penitus circumscribentem, sed paulo minorem: & sit k l m, suam circumferentiam angulis trianguli ferè applicantem. Ab hoc circulo procedunt pyramides rotundæ, quarum nulla potest, propter foraminis angustiam, ad g punctum procedere: pertinet tamen aliqua ad punctum forami propinquiorum, aut etiam in ipsa superficie foraminis contentum, ueluti ad punctum h. Quia angulus pyramidis terminatae in puncto h, maior est angulo pyramidis terminatae in puncto g, per x x i, primi elementorum Euclidis. Certum quoq; est, quod radios pyramidis breuior in continuū rectumq; ducti, secabunt radios longioris pyramidis: & qui radios ante intersectionem continebantur & includebantur, post intersectionem alios continent & circumcludunt. Quum igitur breuior pyramidis sit rotunda, sequitur ut dictam incidentiam post intersectionem, rotundam faciant, sicut patet in figura; quatenus

quomodo radij pýramidis rotundæ κ ρ μ, in h puncto concur-
 rāt, & se intersecātēs extra triangularem pyramidem dila-
 tent. Porro si accipiātur radij à Sole centraliter egridentes, (qui
 alijs sunt fortiores radiando) utpote Q.B & Q.C, ipsi cadent intra
 prædictam rotundam pyramidem, eamq; secabunt ut in pun-
 ctis R.S. Ergo saltem post illam intersectionem, erit pyramidis ro-
 tunda. Sed certe hæc imaginatio etiam locum haberet, si Sol
 esset figuræ plane quadratæ. In ipso enim esset aliquis triangu-
 lis, qui posset foramen triangulare directe respicere, & circulus
 triangulum directe circumscribens, à quo posset rotunda pyramidis
 procedere, & ita rotunditas Solis nulla esset causa huius ro-
 tunditatis ex radiorum incidentia causata. Quod autem & neq;
 dicta radiorum intersectione tametsi aliquid ad rotunditatem cō-
 ferat, sit eius totalis causa, inde patet, quod pyramidis quæ post in-
 tersectionē fit, subito rotunditatē acquireret, scilicet in sectione
 illarum duarum pyramidum in N.O, uel R.S, punctis. Quia quic-
 quid esset ultra N.O, uel ad minus R.S, esset rotundum complete,
 & quicquid citra triangulare, cuius tamen contrarium appetet;
 videremus enim lumen ipsum paulatim rotunditatem acquirere.
 Item radij x c v, & P B Z applicant se lateribus foraminis, & se-
 quuntur figuram eius, & certum est, quod isti omnes alios inclu-
 dent, qui rotunditatē possent radiositate recta generare, dictus
 itaq; modus radiositatis, non est perfecta causa rotunditatis,
 Ceterum quoniā sphærica figura est luci cognata, & omnibus
 mundi corporib; consona, ut puta absolutissima & naturæ ma-
 xime conservatiua, quæq; omnes partes suo intimo perfectissi-
 me coniungit. Ad hanc igitur lux naturaliter mouetur, & eam
 ad distantiam protelata, paulatim acquirit. Patet itaq; ex his du-
 abus causis, lumen per foramina incidens paulatim rotundari,
 quod declarandum erat.

PERSPECTIVAE COMMUNIS
Omne punctum luminosi hemisphæraliter super
medium radiare.

Hoc probatur. Quoniam si punctus Lucis in diaphano pos-
natur, orbiculariter se diffundit. Cum autem situatur punctus
in superficie corporis densi, iuxta se tantum præcluditur spacijs,
quantum densitas corporis in quo situatur. Ergo restat sibi dif-
fusio hemisphæralis. Et hoc intelligitur in planis & sphæricis su-
perficiebus. Quoniam aliter in concavis est, ubi concavitas lus-
men libere ampliari prohibet.

Propositio VII.

Radios uisibilium impermixte medium illustrare.

Lumina enim non cōfundi seu permisceri in medio, patet per
umbras, quæ uidentur secundum numerum luminariorum. Mul-
ta enim candelæ ad unū opacum tot faciunt umbras, quot sunt
candelæ.

Propositio VIII.

Lucem fortē orientem super uisum & medium
quædam uisibilium occultare.

Hoc cotidie experimur. Sole nāq; oriente stellæ evanescunt
nobis, neq; tota die conspiciuntur propter præsentia uehemen-
tis lucis Solis, quæ totum uisum occupat. Et minorēs motus ac
tactus sunt imperceptibiles, quia maiores totum sensum in se cō-
uertunt. Quare et si stellæ non minus luceant de die quam de no-
cte, & eorum radis ad uisum nostrum pertingant, eumq; moue-
ant: tamen hoc non percipitur, propter excessum impressionis
fortioris luminis, Atq; huius rei, hanc esse causam, ex eo liquet,
quod

quod in meridie, ille qui est in profundo puteo, uidet stellas sibi perpendiculariter supra positas. Siquidem eorum radij plus in profundum descendunt, quam Solis radij, qui oblique ad puteum cadunt, propter quod & earum motus oculo perceptibilis est. Amplius tempore nocturno, sit propter eandem rationem, ut quae sunt ultra magnum ignem, non possint certo conspiciri,

Propositio IX,

Lucem fortē super quædam uisibilium orientem, ipsa oculo abscondere, quæ oculo in loco lucis temperatae existenti apparerent.

Hoc patet. Quoniam luce forte oriente super corpus artificiose & subtiliter sculptum, ipsæ sculpturæ non uidentur, quia excessus splendoris uisum occupat. Similiter multa sunt, quæ in tenebris posita uidentur lucentia, luci uero exposita disparent, uel ad minus non lucent; sicut apparet in squamis piscium, ligno ueteri, cute quorundam animalium, & igne mediocri,

Propositio X.

Lucem fortē multa uisibilia ostendere, quæ debiliis occultat,

Hoc passim ostenditur. Quia quæ in luce mediocri non apparent, ab intensiori & fortiori luce deteguntur. Hæc propositione, uidetur præcedentis contraria. Quomodo enim lux fortis uisibilia quædam ostendit, & eadem abscondit? Sed in præcedenti propositione intelligimus lucem fortē, quæ iustum proportionem excedit, & totam capacitatem sensus occupat.

Propositio

PERSPECTIVAE COMMUNIS

Propositio XI.

Lucem igneam in materia flammæ radiantem, maiorem nocte quam die, longe quam prope apparere.

In die minor apparet claritas flammæ, quia maiori claritate circumfunditur. In nocte autem apparet maior, quia tenebris iuxta se positis, in toto suo ambitu, libere oculo præsentatur. Item prope minor apparet, quoniam flamma à diffuso lumine discernitur. De longe autem maior apparet, uisus enim propter distantiam nequit flammatum à diffuso lumine discernere. Quare indistinctum tanquam magnum luminare oculo præsentatur,

Propositio XII.

Colores corporum diuersificari apud uisum pro diuersitate lucis super ipsos orientis.

Hoc expresse patet in quibusdam coloribus, qui in luce mediocris apparent turbidi; in fortis, clari & scintillantes; immo omnino alterius dispositionis in luce Solis, quam candelæ. Amplius hoc idem apparet in collo columbae, quod cum sit unius coloris, varijs tamen & diuersis aspectibus à luce illustratum, varijs coloribus & specie differentibus oculo representatur. Cum enim color non cernatur, nisi à luce illustratus, omnem efficaciam mouendi uisum à luce habet. Ideoque qua ratione magis uel minus à luce illustratur & mouetur, eadem quoque ratione uisum mouetur. Colores autem debiliores sunt in fortioribus, sicut incompletū in completo. Et ideo secundum completionem lucis est gradus complementi coloris in mouendo. Quidam tamen existimant, in collo columbae esse diuersos secundum ueritatē colores, sicut in eo sunt ex diuersarum pennarum particulis, diuersae radian-

res superficies. Et quemadmodum panni ex diuersis coloribus contexti, prout diuersimode lucem recipiunt, diuersos colores referunt, Ita quoq; columbarum colla pro uaria mixtura colorum & lucis, diuersis subinde coloribus conspici,

Propositio XIII.

Comprehensio rei in se à uisu, sequitur proportionabiliter dispositionem lucis orientis supra rem uisam, ac medium, & uisum.

Hæc sequitur ex præmissis. Si enim in fortiori luce color fortius mouet, & in minori minus, tunc simpliciter ab ipsa luce uideatur esse mouendi efficacia. Idem intellige ex parte oculi in apprehendendo, & medijs deferendo.

Propositio XIII.

Radius lucis primariæ, similiter & coloris in rectū semper porrigitur, nisi diuersitate medijs incuruetur, se nihilominus diffundendo.


Lux primaria dicitur, quæ radiose procedit à luminoso. Lux vero secundaria & accidentalis, quæ à latere est extra radiorum incidentiam, ac oblique & in omnem partem medijs se diffundit, color etiā radiose multiplicatur, sicut patet sensibiliter, quando Solis radius per uistram fenestram coloratam transit; tunc enim per lucis efficaciam color sensibiliter radiat super densum sibi obiectum. Sed quando luci uel colori corpus densum obiectatur, ut speculum, abeo reflectitur. Cum autem occurrit magis uel minus diaphono, recedit à rectitudine, & quasi frangitur uel reflectitur in obliquum.

PERSPECTIVAE COMMUNIS

Propositio x v.

Radius lucis uel coloris ad perpendiculararem frangitur, occursu medi⁹ densioris, super quod non est perpendicularis.

Quāuis hæc in tertio libello nostræ perspectivæ tractare cōstituimus, tamen hoc loco ea prælibare necessarium duxi. Ratio autem generalis fractionis, est variatio diaphanitatis. Major enim diaphanitas minus resistit luci. Quia uero radio facilior est transitus per unum medium quam per reliquum, necessarium est, quod in secundo medio (scilicet magis distante à luminoso) reperiatur gradus proportionalis primo in situ, (scilicet si mislis resistentiae). Sed transitus perpendicularis ingrediens uel egrediens fortissimus est; & radius non perpendicularis tanto debilior, quanto magis à perpendiculari remouetur, & eo fortior, quo propinquior. Quando igitur occurrit medium densius & magis resistens, necessarius est radio fortior situs & directior, directiore⁹ propinquior. Vnde ut transitus per medium secundum proportionetur transitui per primum, radius ad eam perpendicularē lineam declinat, quæ erigitur in puncto casus sui super medium secundum. Constat igitur quod perpendicularis situs fortior sit, non tamen per egressum à corpore luminoso, imo per casum perpendicularē super medium. Nec intelligendum est, radiū ad fortiorē situm declinare quasi per electionem, imo transitus per medium primum, ad sibi proportionalem in secundo, impellitur, sicut patet in figura. Radius autem luminosus super quodcunq; medium perpendiculariter cadens, omnino non refrangitur, quia sua fortitudo nullius diaphanitatis



nitat̄ obiectu hebetatur. Apertius enim mouet omnis radius recte quam oblique cadens in obiectum. Verbi gratia, à corpore luminoso per aerem cadit perpendicularis A G, qui uero frangitur cadit oblique A C, & quasi procederet in B, si esset medium simile, frangitur aut uersus perpendicularē D C, & cadit in E.

Propositio xvi.

Radius lucis uel coloris à perpendiculari diuertitur, cum medium subtilius occurrit.


Hæc sequitur ex præmissa, quoniam enim medium secundū minus resistit, minor fortitudo congruit radiis in ipsum à densiori cadentibus, unde franguntur à perpendiculari. Verbi gratia, sit luminosum H, in aqua existens, à quo cadit radius H K recte, & H E oblique. Dico quod H E, nō directe procedit in O, nec frangitur uersus perpendicularē ad P E, sed illa cadens in Q, sicut patet in figura. Et hæc est ratio, quare res in quibusdam medijs apparent maiores, & in quibusdam minores, ut infra patebit.

Propositio xvii.

In omni puncto medijs, quo est à luminoso remotior, eo in ipso excipitur radius multiplicior.


Hoc sic probatur. Quanto punctus plus distat à Sole, tanto descendit eius lumen à maiori circumferentia, seu portione Solis; & econuerso, quo propinquior Soli tanto descendit à minori arcu lumen. Iḡitur in puncto remotiori est lumen multiplicius, sed ex distantia debilius, quod sic demonstratur. Accipiantur

c ii tur



PERSPECTIVAE COMMUNIS

etur in corpore sphærico lumenoso, cuius centrum sit K, duo puncta opposita A B. Et diffundatur lumen à puncto A, per hemisphærium, ut patet per V 1, huius, cuius hemisphærii diameter sit linea C A D. Certum est igitur, quod à puncto A, cadit lumen in D punctū, & in nullū corpori lumenoso propinquorem, sicut ex X 111, huius sequitur. Linea enim C A D contingens est, & inter eam & sphæram nulla cadit media, sicut patet per X VI 1. tertij Elementorum Euclidis.



Amplius si sumatur punctus supra A in corpore lumenoso, utpote E, radians super spaciū obiectū, & terminus radiationis sit linea contingens F E G. Certum est quod in linea K G, primus punctus ad quem peruenit lumen à puncto E, est G, & in nullum superiore, sicut à puncto A, in punctū D, & in nul-

lum corpori lumenoso propinquorem. Cumq; ab omni puncto lumenoso mittente radium suum in punctum propinquorem, incidat & radius in punctum remotiorem, & non econverso; cadet à toto arcu E A B o lumen in g punctum, sed in D non ueniet nisi ab arcu AB. Lux igitur in puncto G recepta, tanto multiplicior est, quanto à lumenoso remotior.

Propositio XVIII.

In puncto propinquiori fortior est lux unius corporis quam in remotiori.


Multiplicitas enim lucis vel luminis in punto remotiori, est ex confluentia radiorum oblique cadentium, & per consequens debilium. Lux autem in punto propinquiori fortitudinem habet ex maiori coniunctione cū suo fonte, qui minor est.

Propositio

Propositio XIX.

Pyramides breuiores, quia breuiores, partim longioribus ab eadem basi procedentibus fortiores esse, partim debiliores,

Pyramides breuiores ab eadem basi procedentes, partim dicuntur esse fortiores longioribus, partim uero debiliores. Breuiores siquidem, quia breuiores obtusiores esse necesse est, si ut ex xxii. primi Elementorum Euclidis patet. Sed in obtusioribus radij ad conos se ad obtusorem angulum intersecant, & quanto angulus conalis est obtusior, tanto eius latera magis, lateribus pyramidis eversæ mutuo appropinquant. Verbi gratia, si pyramis obtusa A B C, & protrahatur A C in D, & B C in E. Cum igitur A C B angulus, & qualis sit angulo E C D, per xv. primi Elementorum Euclidis, quia ad verticem necesse est tanto reliquos duos minoris esse, quanto hi duo sunt maiores. Et quanto etiam sunt maiores, tanto radij collaterales, propinquiores sibi sunt, ut C D tanto propinquior est radio B C, & econuerso, quanto angulus D C E maior est. Hæc autem est lucis proprietas, ut quanto propinquior est unus radius, luci alterius, tanto si fortior. Tam itaque propter hanc causam, quam propter eam, quæ in propositione xvi. præmissa ostensa est, breuiores pyramidès naturaliter fortiores sunt. Contra uero in pyramide longiori Lux ad conum est adunata magis quam in breuiori, & hac prærogativa excedit breuiorē. Simpliciter tamen breuiores sunt fortiores, unde naturaliter montes sunt caldiores quam ualles, quamuis per accidens frigidentur, quatenus scilicet mediae regioni aeris appropinquant.




PERSPECTIVAE COMMUNIS

Propositio XX.

Cuiuslibet pyramidis radiosæ, omnes radios in in-
diuisibili concurrere.

Si enim conus pyramidis est diuisibilis, ponatur habere la-
titudinē, & dividatur linea latitudinis in tres partes,
quarum prima sit A B, secunda B C, tertia C D. Radius
igitur cuius terminus est A B, non concurrit cum ra-
dio cuius terminus est C D. Quod falsum est. Necesse
est itaq; huiusmodi radiorum ultimum concursum, in
puncto mathematico fieri.



Propositio XXI.

In luminoso concauo, lumen efficacius reperitur in
centro.


Cuius ratio est: quia ab omni punto concavi perpendiculari-
lares radij, qui cæteris sunt fortiores, confluunt in centro. Et
ideo virtutes corporum cælestium in centro, & iuxta ipsum ef-
ficacius oriuntur. Hinc ibi conformior dicitur habitatio homi-
nis, cuius complexio adpropinquat, ut possibile est, supremi cor-
poris simplicitati.

Propositio XXII.

Omne luminosum sphæricum, illuminat sphæram
minorem, similiter & cilindrum minorem, plus quam
dimidium.

S

Si enim maior est diameter luminosi, quam sit diameter opaci, tunc radij cadentes super extrema diametri opaci, non oriuntur a terminis diametri luminosi κ & γ. Hoc enim si fieret, æquidistantes essent lineæ cadentes a terminis diametrorum, tam corporis luminosi quam opaci, & utrobicq; rectos angulos facerent cum diametro, &c; per consequens diametri corporum inæqualiū essent, æquales; quod est impossibile. Oriuntur ergo ab aliquo arcu minori, quam sit hemisphærium, ut exempli gratia ab arcu A B, cuius subtensa æqualis sit diametro opaci. Cum igitur a punctis omnibus inter γ & A, & inter κ & B, lumen difundatur super opacum: si a punto A peruenit in c, necesse est ab omni punto superiori, ad punctum quod sit ultra c peruenire, ut ex c cadit in punctum ε. Similiter si ex B radius cadit in δ, radij procedentes ex κ B in puncta cadent, quæ sunt ultra δ, sicut ex κ radius in η incidit. Ideoç; quanto opacum propinquius est luminoso, tanto lumē latius difundetur. Quod etiam aliter demonstratur. Supra in quarta huius ostensum est, a superficie luminosi in omnem partem medijs obiecti pyramides porrigit. Quando igitur opacum minus est luminoso, atq; idcirco inter pyramides radiosas conclusibile, necessario plus medietate illustrabitur. Si enim non, tunc pyramis latera sua extremis diametri opaci e d applicer. Quare per XIIII. tertij elementorum Euclidis, utrincq; constituentur anguli recti, & trigonus δ c ε plusquam duos rectos continet, qd' est contra XXIII.



P E R S P E C T I V A E C O M M U N I S

primi Elementorum Euclidis, plus itaq; quam medietas corporis opaci sphærici vel cilindroidis minoris, à corpore luminoso sphærico maiori illuminatur. Quamobrem Sol quoq; plus quam medietatem Lunæ & terræ illuminat.

Propositio XXIII.

Vmbrosi luminoso minoris, minorem esse umbram,
sicut æqualis, æqualem; & maioris, maiorem esse.

Hæc patet ex præmissa. Quoniam si luminosum, maius est umbroso, tunc umbrosum illuminatur plus medietate sua, & umbra procedet à non illuminata parte, & minori igitur minor. Si luminosum æquale umbroso, æqualiter illuminabitur, ac umbra inter æquedistantes inuicem lineas continebitur, ideoq; umbra æqualis luminoso. Si deniq; luminosum minus fuerit q; corpus umbrosum, minor pars umbrosi illuminabitur, & à maiori parte umbra proiecetur, ideoq; maior quoq; se in infinitum dilatet. Hæc autem intelligenda sunt tam de umbris in planum projectis, quam etiam de umbrarum latitudine.

Propositio XXIII.

Vmbrosum sphæricum, luminoso minus, umbram proiecere pyramidalem; æquale, columnarem; maius, curtam & eversam pyramidem infinitam.

Ratio huius propositionis sumitur ex præhabitatis. Quoniam ex XXII. patet, quod umbrosum minus luminoso, ut terra à Sole, plus medietate illuminatur. Radij igitur à luminoso cadentes in umbrosum, æquidistantes esse non possunt. Tangunt enim circu-

círculum in extremitatibus subtensæ alicuius circumferentiaæ se
micirculi minoris, & non in extremitatibus diametri. Quapropter anguli in contactu non erunt recti per **X** **V** **I** **I**. tertij elemenatorum Euclidis. Cumq; radj a maiori magnitudine descendant, necesse est illos angulos minores esse rectis, q;s radj ex parte subtensæ pdictæ a luminoso remotiori cōstituūt. Per **X** **I**, igit cōmunem sententiam ad illam partem ne cessario concurrent. Quod si æqualia sunt inuicē umbrosum & luminosum, radj ne cessario cadent in extremitates diametri umbrosi, ideoq; inuisitatem æquidistantes erunt, & nunquam concurrentes, etiam si in infinitum protrahantur, per definitonem linearum parallelogram. Si ergo maius fuerit umbrosum, necesse est umbrā cum prima istarum trium, esse contrariæ dispositionis. Quare eversæ erit pyramidis secundum longitudinem & latitudinem, quæ figura a Græcis καλλιθεας appellatur. Id tamen dico, cum lumen cum umbroso in eodem plano esse contingit.

Propositio **XXV.**


Umbra esse lumen diminutum.

Ex quarta huius patet, quod quamvis opacum impedit lumen directum & principalem transitum, tamen non possit prohibere quo minus lux secundaria circumquæ se diffundat. Est igitur umbra lux diminuta, scilicet ubi est priuatio lucis primaria, & diminutio secundariae. In hoc autem ab umbra differunt tenebrae, si tamen aliquid sunt, quod tenebrae sunt, ubi nihil est de lumine. Nescio enim, an aliquid corpus mundanorum, transitum lucis omnino priuatue impedire posset, cū nullum corpus penitus sit priuatum lucis natura, aut ad minus nullum corpus circumfulgentiam lucis secundariae impedire possit.

Propositio **XXVI.**
d Quanto

PERSPECTIVAE COMMUNIS

Quanto Sol est propinquior Lunæ,
tanto eam magis illuminat intensius &
extensius.



Quod intensius patet ex XVIII. huius.
Quod etiam extensius, primo constat per XXII.
huius. Solis enim sphæra longe maior est
sphæra Lunæ. Deinde, quia Luna a pyrami-
dibus radios a Sole projectis includitur,
ideo quod Soli propinquior erit, eo a breuiori
pyramide circumcingeatur. Quare & tanto ma-
ior pars eius a Sole illustrabitur. Imagine-
mur namque aliquam longiorem radiosam py-
ramidem a Sole procedentem, uelut pyramidem
A-B-G, cuius latera tangant Lunam in pun-
ctis C-E, qui sunt termini arcus C-D-E. Dico la-
tera pyramidis breuioris non posse tangere
extrema arcus C-D-E. Sic enim cum ab eadem
basi procedant, aequales esse oporteret.
Item dico non posse latera pyramidis bre-
uioris tangere extrema arcus minoris quam
C-D-E, utpote arcum Z-D-I. Quoniam radios
per Z-I terminos productos impossibile est
concurrere, & pyramidem constituere. Si
namque constituent breuiores, prius secabunt
latera pyramidis longioris: deinde concur-
rent in conum, quod est impossibile, cum us-
tracque ab ipsis terminis procedat. Est itaque
manifestum, cum latera pyramidis breuio-
ris non possint attingere terminos circumfe-
rentiae in Luna, quos attingunt latera pyra-
midis longioris, nec terminos his circum-
ferentia-

ferentij minores : necessario latera pyramidis breuioris attingere terminos circumferentiarum maiorum. Quare quo Sol est propinquior Lunæ, eo magis eam illuminat intensius & extensius. Quod autem in coniunctione Luna non uidetur, cum sit Sol propinqua, sed quod superior Lunæ pars, & Sol obuersa illuminatur, & non nisi modica eius pars cernitur, donec a Sole elongetur.

Propositio XXVI.

Omne corpus uisibile radios habere.

Radius enim nihil aliud est, nisi species rei uisibilis in directa facta porrectione. Corpora tamen luminosa, dicuntur principiter radiare: quia radij cætera corpora colorata illustrant, & Sol præcipue, cuius radij sunt sensibiles.

Propositio XXVII.

Visionem fieri per lineas radiosas recte super oculum orientes,

Quod patet, quoniam nisi species rei uisibilis distincte oculum signarent, oculus partes rei non apprehenderet distincte; nec posset esse distinctio partium specierum, partes rei representantium, nisi per lineas rectas. Alias enim initicem confundentur, & oculo rem confuse praesentarent. Amplius abscisissimis lineis rectis, inter uisibile & uisum cessat, uisio. Igitur oppositum, oppositi est causa.


Propositio XXIX.

Oculus quantitatæ capiendæ non congrueret, si rotundus non esset
dij Mul

PERSPECTIVAE COMMUNIS

Multis de causis necessarium fuit, organum virtutis uisu sphæricum esse. Cum enim ad cito quæ obijciuntur, percipienda uisu, requiratur velocitas motus & revolutionis oculi, nulla alia figura quam sphærica magis idonea erat. Hæc etiam cum sit capacissima omnium Isoperimetrorum, id est, æqualem ambitum habentium, & perfectissima, tantum in ea, omnia corpora cuiusc rationis, quæ ad uisionem requiruntur, commodissime & perfectissime coadunari & inuicem coaptari poterant. Et si esset oculus alterius figuræ quam sphærica, utpote planæ, nulla res maioris quantitatis quam esset oculus uno aspectu uideretur, quod manifeste falsum est. Quoniam enim uiso distincta solum fit per lineas radiosas recte, hoc est, perpendiculariter ad superficiem oculi peruenientes; si oculi superficies esset plana, clarum est, nullas perpendiculares super eum uenire, nisi à superficie æquali sibi. Ponatur per impossibile, quod plana superficies oculi sit A B, & res uisa sibi æquedistans C D, & ex A B punctis, ducantur lineæ perpendicularares in rem uisam, A C, B D. Cū

igitur ex hypothesi, siquidem nullum inde sequitur inconueniens, A B & C D assumentur parallelæ, & A C, B D ex constructione sint utrīcꝝ plano perpendicularares, ideoꝝ per V I, propositionem X I, elementorum Euclidis parallelæ; & quia anguli parallelogrami A D sunt æquales, per X, communem animi conceptiōnem, quia recti, sequitur A B & C D latera esse æqualia, per XXIIII, primi elementorum Euclidis, & ita res uisa, magnitudinem uisus non excederet, & si planum uel linea C D in directum continuumꝝ proponeretur, nihil de ea conspiceretur. Oculi igitur superficies non est plana, sed sphærica, ad cuius centrum fiat concursus linearum radialium à longe majori magnitudine, quam sit oculus.




Propositio XXX.

Corpora

Corpora diuersarum dispositionum, requiruntur
necessario ad oculum constituantur,

Cum nanc pars illa, in qua consistit & uiget potentia uisa,
sit tenera, & quæ ex facili laedi posset, propter perspicuitatem
& aqueam compositionem seu complexionem. Quæ, nisi talis
esset, neq; congrueret subtilitati spirituum à cerebro uenientiū,
ad impertendum oculis uitam, neq; in ea parte, nisi esset subti-
lissima & purissima, reddi & fulgere imagines seu species acce-
ptæ posset. Quare ut hic humor in suo esse conseruaretur, & à
lesione ac qualicunq; corruptione defenderetur, opificis Dei
prouidentia ita cautū est. Hic humor uocatur Crystallinus seu
glacialis propter perspicuitatem, & quia aliquantulum spissus
est. Iacet autem in medio oculi in modum sphærulae albæ com-
pressæ tendentis ad lenticularem figuram, & quia humidus, à lique
passibilis est, idq; non solum ex perspicuitate, sed passibilita-
te sensus; & quia subtilis est, faciliter mouetur, & obiecta recipit;
deniq; propter spissitudinem eius, quæ ab eo sentiuntur, retinet,
ne cito euanescant. Porro hunc humorem, à parte posteriore, ceu
gemma annulus, alijs humor continet. Hic ut Galenus te-
statur, Crystallinum fouet & nutrit, & quia est aliquanto subti-
lier, & uirto liquefacto similis, uitreus humor appellatur. Sepa-
rantur autem ab inuicem hi duo humores tenui quadam tunica,
ideoq; aranea uocata, quæ & ambos circundat, & tanquam in
unam sphærā colligit. Hanc sphærā ambit allus humor, qui
Albugineus dicitur, quem quidam uolunt esse excrementum
Crystallini humoris, est ouorum albo similis, est fluidus & ali-
quanto tenuior. Huius officium est humectare Crystallinum,
ne à siccitate telæ eum circumdantis corrumpatur, irrigat totū
oculum, defendit & protegit Crystallinum ab accidentibus ex-
trinsecis. Albugineum humor circumdat tunica quædam den-
sa, uillosa, nec admodum diaphana, quia intra præfinitos termi-

PERSPECTIVAE COMMUNIS



nos retinetur, & in iusto caloris temperamento conservatur. Hæc tunica dicitur unea, quia nigra est ut uua, & obscurat iam dictos humores; alias enim species uisibilis in ipsis non retineretur, sicut neque in speculo, plumbo non sub ducto. Et ut species uisibilis possent recipi, est per forata circulari foramine, cuius diameter est, quasi æqualis lateri quadrati inscriptibilis circulo magni sphæræ ueræ. At ne ex hoc foramine Albugineus humor efflueret, superinducta est alia tunica ad similitudinem cornu firma, & ut sit speciebus uisibilibus peruia est, pellucida, quare & cornea dicitur. Hæc tunica totum oculum complectitur, sed tantum supra foramen est diaphana, alias densior & solidior. Tandem est alia tunica, quæ consolidativa vel coniunctiva nuncupatur, hæc retinet totum oculum in sua dispositione & coniungit oculum capiti, ac ambit oculum usque ad foramen, seu partem corneam pellucidam. Atque ex his aparet

datiuia vel coniunctiva nuncupatur, hæc retinet totum oculum in sua dispositione & coniungit oculum capiti, ac ambit oculum usque ad foramen, seu partem corneam pellucidam. Atque ex his aparet

paret oculum constare tribus humori-
bus, & quatuor tunicis. Alij uero qui
haec diligētius & ex professo tractant,
inquirunt originem dictorum humo-
rum & tunicarum, dicitur uueam oriri
a pia matre, & corneam a dura matre.
Item oculum constare ex tribus humo-
ribus & septem tunicis, quod tamen
ideo sit, quia ex dictis, tres tunicas di-
scernunt locis. Prima est consolidati-
ua uel coniunctiva. Deinde Cornea
pars anterior dicitur cornea, posterior
sclerotica. Uuea pars anterior uocatur
uuea, posterior secundina. Similiter Aranea ab anteriori parte
suum nomen retinet, & posteriori Retina nuncupatur. Sed haec
relinquemus Physicis & Medicis excutienda. Quomodo ta-
men oculus super extremitatem nerui optici cōponatur, & ocu-
lorum tunicae a nerui tunicis oriantur, & humores a cerebro pro-
cedant, in apposito schemate oculi, aliquo modo est uidere. Nos
hic solum inquirimus, quae ad eccentricitatem & concentricitatem
pertinent, sive ad fractionem radiorum uel directionem.


Propositio

xxxii.

Aliqua corporum oculum constituentium, a sphæ-
ræ necesse est deficere complemento.

Verbi gratia, consolidativa, scilicet albugo uel pinguedo,
qua circundat oculum, si totum oculum circumdaret, oculus ni-
hil uideret, quia ipsa diaphanitate caret. Similiter uuea habet
foramen in anteriore parte. Similiter & glacialis deficit a ro-
unditate, hoc est, complemento sphæræ.

Propositio



PERSPECTIVAE COMMUNIS

Propositio XXXII.

Oculorum dualitatē necesse est reduci ad unitatem.

Duo sunt oculi ex creatoris benignitate, ut si uni impedimentū uel uicium accidat, alterius beneficio fruamur luce, sine qua uita à morte nihil distaret. Ab anteriori parte cœrèbri oriuntur duo nerui concaui, directe ad anteriorem partem faciei tendentes. Hi coniunguntur & fiunt unus nerus, ac in processu iterum in duos consimiles neruos opticos diuiduntur, ita ut commutatio situ dexter fiat sinister, qui, ut ramī, protenduntur ad duo foramina concava sub fronte, quibus oculi continentur, & in ea immittuntur per parua quædam foramina, ac deinde dilatantur, & supra ipsorum extremitatibus oculi constituuntur. Quare species uisibilium per utrumq; oculum recipiuntur. Quod si istae species non unirentur, res una duæ apparerent, sicut etiam patet, si digito supposito uni oculorū, & à suo situ eleuetur, res una duæ uidentur, quia species pér duos oculos receptæ in communī nero non coniunguntur. Necesse igitur est in communī nero species uniri. Quod est propositum.

Propositio XXXIII.

Sphærarum oculum constituentium, necesse est ali-
quas mutuo esse eccentricas.

Cum enim pyramidis radiosæ conus imaginabilis sit in centro oculi, si nulla esset diaphanitatis diuersitas, radij in centro illo concurrentes, & ulterius procedentes, in centro se secarent: & dextra apparerent sinistra, & econuerso. Sed ut res uisa secundum situm, figuram & ordinem suarum partium uideretur, naturæ industria efficit, ut humor Crystallinus idem centrum ha-
beret

beret, cum cornea & humore Albugíneo; ne scilicet species uisibilis per ipsas transeuntes, antequā pertingant ad uitam sensitivam, quæ in Glaciali uiget, frangantur. Deinde occurrente uentre humore, posuit eum eccentricum, ut ante quam radij ad centrum oculi peruenient, quia subtilior est Crystallino, in eo disgregentur radij, & à perpendiculari frangantur; & exinde per uitam spirituum, species usq; ad locum interioris iudicij deferatur.

Propositio XXXIIII.

Omnium tunicarū & humorū centra, una cōtinet linea.

Quoniam aliter non posset lux omnes tunicas & humores regulariter intrare, nec aliquis radius non fractus permanere posset. Et per consequens certificatio non posset esse, per depositionem oculi super uisibile ab extremitate ad extremitatem.

Propositio XXXV.

Omnium radiorum super uitum orientium, unum solummodo necesse est transire non fractum.

Cuius ratio est, quoniam super spheras eccentricas impossibile est, plures esse, quam una linea, perpendiculares. Pyramis igitur radios, sub qua res uidetur, tota in ingressu humoris uitri frangitur, ista linea radios excepta, quæ per omnia centra transit, & quæ axis pyramidis appellatur.

Propositio XXXVI.

Vitum uigere in humore Crystallino uel glaciali.

e

Hoc

PERSPECTIVAE COMMUNIS

Hoc docet experientia. Quoniam si aliqua tunica vel aliquis humor leditur, glaciali salvo & illeso, per medicinam curatio nem recipit, & uisus restituitur. Ipso uero glaciali corrupto, & uisus irrecuperabiliter corrumptur.

Propositio XXXVII.

Visionem fieri per hoc, quod in Glaciali est ordinatio speciei, sicut rei exterius.

Quod hoc sit possibile, nec glacialis paruitas obstat, manifestum est, quoniā tot sunt partes minimae, quo sunt maximae quantitatis siue magnitudinis eiusdem speciei. Et species uisibilis sine materia recipiuntur; ergo quantitascumq; sit uisibile quod uidetur, species eius distincte & ordinate, in glaciali humore recipiuntur: quod nisi fieret, oculus rem distincte non uideret. Si enim species duarum partium rei uisibilis, in eadem parte glacialis reciperentur, partes rei, propter confusione formarum mouentium oculum in eadem parte, nō cognoscerentur distincte.

Propositio XXXVIII.

Rei uisibilis comprehensio, fit per pyramidem radiosam. Certificatio uero cōprehensionis, fit per axem eius super uisibile transportatum.

Pyramis enim radiosā, à uisibili oculo impressa, rem oculo repræsentat. Sed certificatio de uisibili, fit per rotationē oculi super rem, quæ basis est pyramidis. Quamuis enim tota pyramis sit perpendicularis super centrum oculi, hoc est, glacialis, non tamen supra totum oculum, unde sola illa perpendicularis, quæ axis

axis dicitur, quæc^p non refrangitur, rem efficaciter repræsentat: & alij radij quanto sunt ei propinquiores, tanto sunt potentiores & fortiores in repræsentādo. Ad hoc igitur oculus rotatur, ut res quæ sub pyramide repræsentatur, simul oculo per hāc perpendiculararem successive orientem perspicacius discernatur.

De hac certitudine loquitur Euclides de uisu, cum inquit, Nullum uisibile simul totum uideri, sed per immutationem pyramidis. Cum itaq^b omnis res uisibilis sub pyramide uideatur, cuius conus sit in oculo, & basis in re uisa, patet omne quod uidetur sub angulo uideri.

Propositio XXXIX.

Non sub quocunq^b angulo rem uideri.

Non est uisio sub angulo acutissimo, id est, angulo contingen-
tia, quia iste angulus, ut Euclides in tertio elementoru^m pro-
bat, est indiuisibilis. Angulus autem sub quo aliiquid uidetur, est
diuisibilis, & diuiditur per axem. Amplius determinata est an-
guli magnitudo, sub quo uisio esse potest: quia diameter foramini-
nis uueæ, sicut docetur in Anathomia, est quasi latus quadrati,
quod describitur intra spherau^m uueæ. Ergo si ab extremis hu-
ius foraminis, ad centrum lineæ ducantur, constituent ad centrū
uueæ angulum rectum. Hoc patet, quia in quadratis, lineæ dia-
gonæ secant se ad angulos rectos. Quare si in centro uueæ esset
uisio, sub angulo recto præcise fieret uisio, assumpto scilicet qd^e
diameter foraminis sit præcise latus quadrati. Sed centrum ocu-
li, id est, centrum glacialis, interius est quam centrū uueæ. Quia
uuea minor est quam cornea, & secat corneam, siquidem foramen
eius cornea applicatur. Maximus igitur angulus sub quo est uis-
io radiosa, minor est recto, nisi foramen uueæ sit paulo maius
quantitate prædicta. Verum hæc non sunt intelligenda de ui-
sione, quæ sit per radios, extra pyramidem radiosam, sup oculū
orientes, de quibus infra dicendum erit.

PERSPECTIVAE COMMUNIS

Propositio

XL.

Visionē fieri sub curta pyramide & angulo inchoato.

Hæc ex prædictis patet. Quoniam omnes radij pyramidis uno excepto, uitreο humorū occurrentes, franguntur, ut dictum est, à perpendiculari, nec ulterius in conum constringuntur. Quamvis igitur radij ad angulum inclinentur, nō tamen ad angulum concurrunt, nisi imaginarie tantum. Sed cum species visibilis peruenit ad uitreum humorem, procedit magis secundū legem spirituum, quam secundum legem diaphanitatis. Incurvatur enim secundum legem spirituum, usq; ad neruum. Proinde pyramis in oculo non absoluitur, & uisus sub decurta pyramide sit, ac angulo inchoato.

Propositio XL I.

Declinatio radiorum angularis iuuat ad comprehensionem quantitatis.

Hoc patet, quoniam per dispositionem speciei in glaciali, habetur cognitio rei. Quanto igitur radij ad acutiorem angulum declinant, tanto plus species adunantur & constringuntur. Quare per consequens necesse est, nisi aliud impediat, ut rei quantitas propterea minor uideatur in oculo. Quapropter etsi notitia anguli, sub quo res cernitur, iuuat ad comprehensionem rei, tamen non sufficit, ut infra demonstrabimus.

Propositio XL II.

Per radios qui oblique super oculum oriuntur, uisus uigoratur & ampliatur;

Quod

Quod usus uigoretur per radios oblique à uisibili procedentes patet. Quoniam etsi principaliter per solos radios perpendicularares oculo uisio certificata & distincta fiat, tamen certum est, quod licet quilibet punctus in uisibili signatus per radium suū, oculum perpendiculariter tangentem, uideatur; nihilominus, ut ex prædictis patet, per radios obliquos ab eodem puncto precedentes, totam pupillam, tanquam basim pyramidis illuminationis, occupat, qui occurrente medio densiori in pupillæ superficie refranguntur ad perpendicularē, & uisionē directā inde coadiuant. Dominantur enim radij perpendicularares, & huiusmodi obliqui cooperantur. Porro etiam manifestum est, & uisionem ampliari per radios obliquos. Constat namq; experientia, extra pyramidem radiosam aliqua uideri, hoc est, angulum pyramidis radiosæ minoris latitudinis esse, quam res se habeant, quæ uno aspectu uideri possunt. Radij igitur illarum rerum tangunt & mouent oculum, per radios in ingressu oculi fractos, & ad centrum oculi declinantes, ut talia ab oculo debiliter aduertantur. Quare per hæc uisio ampliatur. Ista tamen quæ sunt oculo fascialiter obiecta, efficacius repræsentantur, quia tam recte quam per refractionem apprehenduntur. Quare autem punctus per diuersos radios præsentatus, in uno loco appareat, tangetur in tractatione de radijs fractis.

Propositio X L I I I .

Operationem uisibilis in uisum esse dolorosam.

Hoc probatur. Quoniam operatio in uisum est unus generis; & operatio fortis ac exuperantis lucis, est sensibiliter lesiva & dolorosa, sequitur omnes lucis operationes tales esse, tametsi non perpendiculariter. Hinc etiam est, quod nullum uisibile tam delectabile est oculo, quod continua inspectione ipsum non defatigat, cuius quidem defatigationis, præcedens inspectio causa
e iij esse

PERSPECTIVAE COMMUNIS

esse uidetur. Sunt tamen qui diuersum sentiant. Cum enim sensibile sit perfectio sensus, concludunt igitur in actu sentiendi non esse aliquid quod ledat aut corrumpat, nisi immoderatum & excessivum sit. Necq; admittunt rationem, si excellens sensibile inducit dolorem, ergo mediocre. Quoniam uehementis motus gravat, Mediocris autem motus iuuat & delectat. Quod igitur hic proponitur, ad uisionis cuiuslibet prolongationem restringendum, & non de quaenq; breui inspectione intelligendum est.

Propositio XLIII.

Mathematicos, ponentes uisum per radios ab oculo micantes fieri, superflua conari.

Visio enim sufficienter fit per modum præscriptum, per quem saluari possunt omnia, quæ sunt circa uisum apparentia. Ergo superfluum est sic radios ponere. Et hæc dico ex sententia autoris perspectivæ, aliter enim docet Alkindus de aspectibus, aliter Platonici senserunt, aliter Philosophi, qui naturalia tractant, in multis locis sapere uidentur, aliter & D. Augustinus innuere uidetur, cum inquit, quod uirtus animæ aliquid in lumine operatur aliter, quam adhuc sit inuestigatum.

Propositio XLV.

Radios quoescunq; ab oculo micantes, & super sensibile orientes ad uisionem impossibile est sufficere.

Quod si ponantur radij ab oculo exire super rem uisibilem, idq; donec contingat. Aut redeunt ad oculum, aut non. Si non redeunt, uisio per eos non fit, cum anima à corpore non exeat. Si redeunt

redeunt, qua reuertuntur ratione: nunquid animati sunt? nunquid omnia uisibilia specula sunt, radios reflectendo? Porro etiā concedamus redire cum forma uisibili ad oculum, tamen frustra exeunt. Quoniam enim Lux ipsa, uel forma uisibilis uirtute Luciferis, in totū medium se diffundit, igitur non est necesse, ut radius quasi nuncius requiratur. Deniq; quomodo aliqua uirtus oculi usq; ad sidera protenderetur, etiam si totum corpus in spiritus resolueretur.

Propositio XLVI.

Lumen oculi, naturali radiositate sua uisui cōferre.

Oculus enim, ut dicit Aristoteles, non solum patitur, sed etiā quemadmodum splendida corpora agit. Lumen ergo naturale, ad alterandas species uisibiles, & ad efficiendum proportionatas uirtutis uisua, necessarium est oculo. Quoniam species uisibiles ex luce Solarī diffunduntur, sed ex lumine oculi connaturali, oculo cōtemperantur. Sic ergo patet, quod aliquomodo fit emissio radiorum, sed nō modo Platonico, ut radij ab oculo emisi, in forma uisibili intingantur & immergantur, & intincti revertantur oculo nunciantes. Aliiquid tamen radij modo prae dicto in uisibile operantur. Quoniam enim uisus in omnibus animalibus est eiusdem rationis: & quædam animalia per lumen oculorum suorū sufficiunt coloribus uirtutem multiplicatam dare, ut ab eis nocte uideri possit: sequitur quod lumen oculi aliquid in lucem operetur, & an aliquid ulterius faciant, non definitio, nisi quatenus autoris perspectivæ, ut dictum est, uestigia sequor.

Propositio XLVII.

Sine luce nihil uideri.

Color

PERSPECTIVAE COMMUNIS

Color enim sine luce, non potest efficaciter radiare, quoniam primum in omni genere, est causa posteriorum. Prima autem radiositas est lucis, & ideo omnis alia ab ipsa causatur. Color igitur ad minus efficaciter radiare non potest, nisi luci admixtus.

Propositio XLVIII.

Visum nihil comprehendere, nisi proportionali distantia praesentatum.

Distantia siquidem vel remotio rei visibilis requiritur ad visionem. Si enim res visibilis oculo supponatur, lux super eam non perfunditur, & per consequens non potest mouere visum. Quod si res visibilis sit luminosa, & oculo supponatur, videbitur quidem, quia, ut in XLI. dictum est, visibile per lumen, oculo contemplatur & proportionatum fit. Quidam senes melius uident in maiori distantia, quam in minori. Quoniam maior distantia est eorum visui proportionalis, talium enim lumen intrinsecum multum est, sed non clarum, & in maiori distantia disgregando serenatur, & serenatum speciei rei visibilis superfunditur, ut efficiacus moueat, fiatque visus melior. Ita alii sunt, qui a proximo uident melius, & hi habent lumen modicum & serenum. Qui uero multum & clarum habent, illi a remotiori exactius uident. Super omnes autem alios illi, qui oculos profundos habent, certe ris paribus, a remotiori uident, quia radij luminares ab oculo miscantes non ita disperguntur, sicut ab oculis eminentibus. Ac semper radij coniuncti & adunati fortius super visibile porrigitur. Patet itaque propositum, visum ad visibile, ut fiat visus, in proportionali inuicem habitudine & distantia esse oportere.

Propositio XLIX.

Sola

Sola uideri recte facialiter obiecta.

Hoc patet ex prædictis. Visus enim sit principaliter per pyramidem radiosam à basi opposita super uisum perpendiculariter orientem. Sit etiam uisus per radios extra pyramidem super oculum orientes. Sed super oculum oriri non possunt, nisi qui ex aduerso, oculo se repræsentant, & in superficie oculi non cadunt. Et dico uideri recte facialiter obiecta, quoniam in speculis reflexiue aliqua aliter uidentur, ut infra uidebitur.

Propositio L.

Nihil uideri nisi proportionaliter quantum.

Cuius ratio est, quoniam, ut supra patet, uisus sit per pyramidem radiosam, cuius basis est res uisa. Ergo necesse est, illud quod uidetur esse quantū, & esse proportionabiliter quantum. Non igitur diminutum, tale enim non sufficeret ad imprimendum species oculo efficaciter aut dolorose, ut dicit xliii. Et corpus excellentis magnitudinis uno aspectu uideri nō potest, ut patuit ex xxxix.

Propositio LI.

Uisum non fieri nisi per medium diaphanum.

Cuius ratio, quia species nō nisi per corpora diaphana possibile est, ut oculo imprimantur. Eorum subtilitas cōgruit multiplicationi formarum, sine materia, & materialibus conditionibus, ad uisum. Verum cum omne corpus, in fluentiæ cœlestis suscepitium sit, necessario sequitur, nullum corpus omnino carcere perspicuitate, cum & perspicuitas superioribus & inferioribus corpori-

PERSPECTIVAB COMMUNIS

corporibus sit communis. Ideoq; nulla densitas, transitum uitatum & specierum, quamuis nos lateat, omnino prohibet. Hinc fortasse illud quod de Lynceo dicitur, ortum est, quem perhibent, saxa quoq; & arbores oculorum acie penetrasse,

Propositio LII.

Omne uisibile necesse est medium in densitate transscendere.

Nihil enim potest esse coloratum aut luminosum nisi densum. Nec uisibile glacialem mouere posset, si magis medio esset perlucidum. Item sine luce nihil uidetur, ut patet ex X L V I I , huius, si autem illud quod uidetur perspicuum esset sicut aer, lux in eo consistere & figi non posset, non ergo uideretur. Omne itaque uisibile, ut uideatur, medio densius esse oportet,

Propositio LIII.

Omnia quæ uidentur, tempore comprehendi.

Immutatio enim uisibilis, non nisi in tempore fit sensibilis, sicut docent illusiones sensuum in ueloci quorundam transportatione. Similiter discretionem rei, non nisi in tempore fieri, patet, quia in ueloci circumgiratione alicuius corporis, punctus uideatur esse circulus. Item cælum uelocissime mouetur, nec tamen eius motus percipitur, nisi in tempore perceptibili. Amplius quamuis, secundum quosdam, immutatio possit fieri in instanti, quod non pertinet ad hanc philosophiam, ut infra demonstrabitur: certitudo tamen de uisibili, non fit nisi in tempore, scilicet transportatione axis radialis pyramidis super rem uisam, ut patet ex X X X V I I , propositione præmissa,

Propo-

L I B E R I.
Propositio L I V I I.

Visionē non fieri lucide sine congrua sanitate oculi.

Hoc ideo dicitur, quia error uisus, aliquando est à causa exte-
riori, p egressum à proportione in aliqua conditione ad uisum ne-
cessaria, ut in distantia, oppositione, uel huiusmodi alia appre-
hensione; aliquando ex causa interiori, sicut ex oculī debilitate &
paucitate spirituum, uel ex infectione oculi ab extraneo humo-
re uel lesione.

Propositio L V.

Varias & multas esse intentiones uisibiles, & quas-
dam primarie, quasdam secundarie comprehendendi.

Siquidem uigintiduae sunt intentiones uisu cōprehensibiles,
Lux, Color, Remotio uel distantia, Situs, Corporeitas, Figura,
Magnitudo, Continuatio, Discretio uel separatio, Numerus,
Motus, Quies, Asperitas, Leuitas, Diaphanitas, Spissitudo,
Umbra, Obscuritas, Pulchritudo, Turpitudo, Similitudo, & Diver-
sitas. Hae sunt principales intentiones. Et alias secundarie, quae
sub his continentur, sicut ordinatio sub situ collocati, & scriptura
sive sculptura sub ordinatione & figura, rectitudo & curuitas
sub figura. Item multitudo & paucitas sub numero, æqualitas &
augmentum sub similitudine & diversitate, alacritas & risus, &
huiusmodi quæ cōprehenduntur sub figura faciei, & sic de alijs
multis. Principaliter siquidem mouent uisum, lux & color, suis
speciebus oculum sigillantes, & ex consequenti alias prænomi-
natas illas intentiones uisui representantes, quæ sub eisdem qua-
lificantur.

Propositio L VI.

f ij Non

P E R S P E C T I V A E C O M M U N I S

Non omnes intensiones uisibiles comprehendendi sensu spoliato.

Per sensum spoliatum, intellige solum sensum, quoniam quædam comprehenduntur non solo sensu, sed cooperante uirtute distinctiua & argumentatione, quasi imperceptibiliter cōmixta: quædam etiam adminiculo scientiæ acquisitæ. Exempli gratia, cum comprehenduntur duo individua & similia, ipsa similitudo neutra est formarum, neç cōprehenditur solo sensu, sed collatione unius ad alterum: similiter etiam colorum differentia & aliarum rerum. Amplius, scriptura non comprehenditur solo sensu, sed per distinctionem partium eius, quam facit uis distinctioniua mediante uisua. Similiter res asuetæ cum uidentur, statim cognoscuntur, quod non est nisi ex relatione speciei receptæ ad habitum memoriarum, & hoc quasi per racionationem.

Propositio L V I I ,

In distinctione uisibilium rationem imperceptibiliter argumentari uel operari.

Nullum enim uisibile cognoscitur, sine distinctione intentionum uisibilium, uel sine collatione, siue relatione rei receptæ ad habitum, uel ad uniuersalia cognitorum prius à sensibilibus abstracta: quæ fieri non possunt absq; ratiocinatione. Sed uis distinctioniua in his communiter apprehensis, non indiget tempore perceptibili. Quia arguit per aspectum ad speciem sibi notissimam; nec arguit per compositionem & ordinationem propositionum. Vis enim distinctioniua nata est arguere sine difficultate, quæ etiam aptitudo naturaliter elucet, quod & in pueris apparet, quod magis pulchra, minus pulchris solent præponere, idq; non nisi naturali ratione facta eorum comparatione.

Prop o

L I B E R I.
Propositio LVIII.

Lucem & colorem comprehendit sensu spoliato.

Per hoc enim apprehenditur, quia ultimum sentiens, his tangit.

Propositio LIX.

Inter lucem & colorem simul oculum mouentes, solum discernere uirtutem distinctiuam,

Tangunt siquidem pupillam simul, & mouent secundū eandem partem. Igitur in sensu confuse recipiuntur, & ita per sensum distingui nequeunt. Quapropter non distinguuntur nisi per experientiam de luce & colore habitam, & per scientiam acquisitam.

Propositio LX,

Quidditatem lucis & coloris solo sensu minime comprehendit.

Quidditas coloris, hie dicuntur species coloris, quae non nisi per relationes ad formas consuetas discernitur. Similiter & lucis quiditas, an sit lux Solis, uel Lunæ, uel ignis, ratione & scientia discernitur non ex sensu, cum tamen color, in quantum color, & lux, in quantum lux, sensu spoliato capiatur.

Propositio L X I.

Nullam intentionem visibilium, præter lucem & colorem solo sensu comprehendendi.

f fij **Hoc**

PERSPECTIVAE COMMUNIS

Hoc pater, quia sola quidditas coloris inter omnes intentiones sive differentias immediatissima est colori, sic & lucis quidditas, luci. Cum igitur istae quidditates non capiantur solo sensu, multo minus nec aliae quaecunque intensiones uisibiles, uisu percipientur. Sed per distinctionem, argumentationem & scientiam comprehendentur. Ex his patet, quod solū Lux & Color, & non quidditas lucis & coloris, sint proprium obiectum uisus.

Propositio LXII.

Colorem in eo quod color, prius comprehendi sua quidditate.

Hoc ex præmissis patet. Quoniam color in eo quod color sola intuitione capitur. Quidditas autem eius non nisi per scientiam & argumentationem cognoscitur, sicut experientia docet. Coloratum enim in Luce sub obscura positum, coloratum esse cernitur, & tamen quidditas eius speciuoca & individualia ignoratur.

Propositio LXIII.

Sola distantia mediocris est uisui certificabilis, & hoc per corpora interacentia continuata & ordinata.

Distantia siquidem uisibilis, uisu non comprehenditur, sed ratiocinatione colligitur, sicut in hac arte seu philosophia parte docetur. Res clausis palpebris non uidetur, quæ apertis; illud igitur quod uidetur, uisui non adhæret. Hoc manifestum est, neque alia probatione indiget. Quare comprehensio quantitatis distantiae, accipienda erit, à quantitate corporum interacentium. Verbi gratia, nubes in planicie terræ uidentur cælo coniunctæ, in montosis autem locis, terræ propinquæ; quia alicubi montibus

altitudi-

altitudinē nō excedunt. Certificatio igit̄ distantiae nubiū à uisu, habebit p comprehensionē corporis interiacētis. Quod si tamē corpora interiacētia non fuerint ordinata, sed confusa, non poterit apprehensio quantitatis distantiae certificari. Deinde si distantia non est mediocris, uisu nō pertinet ad plenam distinctionem corporum interiacētium remotorum propter debilitatem speciei uisibilis ex distantia, sicut docetur supra propositione XLVIII,

Propositio LXIII.

Certificari quantitatē distantiae, per resolutionem interiacētis spaci, ad magnitudinem mensuræ certitudinaliter notæ,

Si enim corpora interiacētia sunt secundum partem & totum æqualiter incerta, nunquam certificabitur ex ipsis incerta distantia. Necesse igit̄ est, in ea aliquod certum reperiri, cuius quantitatis noticia, per experimentum sit nota, ad quod totum spaciū resoluatur, sicut ad pedem, uel quantitatē corporis mensurantis, uel ad aliquid, quod sit promptum imaginationi mensurantis,

Propositio LXV.

Distantiam horizontis maiorem apparere, quam alterius cuiuscunq; partis hemisphærij.

Hoc patet per LXIII. præmissam. Si enim per corpora interiacētia distantiae quantitas dinoſcitur, ubi maior magnitudo interiacere uidetur, necesse est, ut etiam maior distantia esse videatur. Sed inter Horizontem & uidentem tota terræ latitudine interiacere uidetur. At inter uidentem & punctū cœli uerticale nihil interiacere uidetur. Quare incomparabiliter plus distare uidetur Horizon, q; alia pars cœli quæcunq;.

PERSPECTIVAE COMMUNIS

Propositio LXVI.

Horizontem apparere terræ cohærentem.

Cuius ratio est, quia spaciū quod est inter ultimā partem terræ uisibilem, & cælum, nullo modo comprehenditur.

Propositio LXVII.

Longitudinem radiorum à uisu comprehendi.

Quod patet experimento in speculis, ubi res creditur esse in extremitate linearum radialium, quas totas existimat porrigit in continuum & directum, & per illas iudicat uisibile contra partem, quæ uisum mouet. Vnde species mouens oculum, non solum ostendit oculo ipsum obiectum, sed etiam medium radium, cuius ipsa species est extrellum, in quo tamen radio medio figi non potest aspectus, quia totus iste radius similitudo est alterius rei uisibilis. Ex hac attamen propositione, radiorum egredientium fortissimum argumentum sumi posset.

Propositio LXVIII.

Sitū oppositionis rei uisae distinctione cōprehendi.

Intentio siquidem Situs tria includit, oppositionem rei diæmetralem, & positionem rei respectu oculi secundū rectitudinē & obliquitatē, deniq; ordinē partiū rei adiuicē. Primus igit̄ modus uirtute distinctiua dinoscitur. Res em̄ hoc modo opposita facialiter esse cōprehenditur; quia forma eius sup uisum perpendiculariter oritur quod esse nō posset, nisi opponeretur. Amplius cum opponitur uidetur, cum non opponitur latet.

Propositio

Situm obliquitatis comprehendendi, ex comprehensione diuersitatis distantiae extremorum rei uisibilis,

Cum enim certificatur distantia secundum quod docetur in propositione LXII, necesse est, ut si extrema inaequaliter distare reperiatur, quod tunc res oblique respiciens oculum iudicetur.

Propositio LXX.

Tertiam situs differentiam, ex ordine speciei in oculo comprehendendi.

Sicut enim ex ordine speciei comprehenditur ordinatio rei distinctae, ut supra ex XXVII. propositione, sic & ordinatio partium cognoscitur.

Propositio LXXI.

Figuram rei uisibilis comprehendendi ex duabus ultimis situs differentijs.

Verbi gratia, ex maiori distantia medij quam extremorum comprehenditur concavitas, & econuerso ex maiori distantia ex tremorum quam medij, conuexitas: & omnes figuræ incisionis comprehenduntur ex comprehensione ordinis partium secundum situm rei uisibilis.

Propositio LXXII.


Figuram rei multum distantis minime certificari.

g Cuius

PERSPECTIVAE COMMUNIS

Cuius ratio est, quia nec distantia certificari potest, & per consequens, nec situs, nec figura, nec aliae descriptae intentiones visibiles. Nam LXIII. docuit solam mediocrem distantiam esse usum certificabilem, in qua etiam sensu distincto figuram rei comprehendere licet.

Propositio LXIII.



Quantitatem anguli, sub quo res uidetur, minime sufficere quantitatirei visibilis capiendę.

Quoniam si in circulo producantur diametri orthogonaliter se intersecantes, ponatur q̄ una diameter facialiter ferē oculo obiecta, reliqua uero non, & per consequens ualde oblique oculum respiciens, sub longe minori apparebit, ut patet in figura. Et apparebit tanto minor, quanto angulus est alio minor: sicq; non apparet círculus, sed oblongae figuræ.

Propositio LXIV.

Comprehensionem quantitatis rei visibilis, ex comprehensione procedere pyramidis radiali, & basis comparatione ad quantitatem anguli, & longitudinem distantiae.

Sola enim cognitio quantitatis anguli, ad quantitatem discernendam nō sufficit, confert tamen ad hoc, sicut patet ex propositione XXIX. huius: ita nec sola remotio sufficit. Angulus quidem comprehenditur ex dispositione formæ in oculo. Et ipsi radij capiuntur ab oculo, ut docuit LXVII. propositio. Ut igitur habeatur certa noticia quantitatis, conferendum est angulus

gulus æqualis, seu idem, cum inæquali longitudine radiorum ad basim, quæ quo est ab angulo remotior, eò maior est. Constat enim lineas ab angulo procedentes tanto ab inuicem plus distare, quanto remotius in continuo rectumq; protenduntur. Quod etiam uirtus apprehensiva quantitatis, non solum ad angulum, sed & ad longitudinem distantiae respiciat, experimento probatur. Si enim unus oculus respiciat aliquem magnum parietem, & eius quantitatem certificet. Manifestum est, si oculo apponatur maius, manum uideri sub eodem angulo, uel etiam maiori q; paries uisus sit, nec tamen tantæ quantitatis apparebit, quantæ paries apparuit, quia minus distat, & tamen sub eadem latitudine radiorum & basis appetat.

Propositio LXXXV.

Certificatio quantitatis fit completiue per motū axis.

Apprehensio enim per ipsum certior est, quia transit non fratre, & est perpendicularis super uisibile; ac ideo defertur axis super basim eiusdem, & super spaciū, & intra angulum sub quo res uidetur, ut patet ex XXXVII. huius.

Propositio LXXXVI.

Nulla quantitas rei, immoderate distantis, est oculo certificabilis.

Re enim multum distante, axis qui suo motu uisum certificat, in parua parte rei uisibilis translatus, nullum angulum sensibilem in centro uisus facit. Quoniam, ut supra patuit, res multum distantes sub acutissimis angulis uidentur, & ideo translatione axis inter acutum angulum modica, non est uisui perceptibilis, nec satis efficacis apprehensionis. Amplius nec certificatur

g ij quan

PERSPECTIVAE COMMUNIS
quantitas spaci interiacentis, ut docet LXXXII, propositio huius, patet ergo propositum.

Propositio LXXXVII.

Distinctionem uisibilium, collige ex distinctione formarum uisibilium radiantium.

Quando enim species oculum mouentes sunt diuersae, res diuersas necesse est apparere, nisi distantia earum ab oculo diuersitatem abscondat. Et per oppositum intellige qualiter continua-
tas apprehenditur, quae est nona intentio. Ex hoc intellige, qua-
liter apprehenditur numerus, quae est decima intentio.

Propositio LXXXVIII.

Motus comprehenditur ex diversificatione situs rei motae ad aliud immotum, uel ad uisum ipsum.

Quamdiu enim res habet eundem situm ad aliud immotum, & ipsum immobile uidetur. Et quia uisus nihil uidet, nisi sub for-
ma praescripta, per pyramidem radiosam, ideo motus percipitur cum apud centrum uisus in motu, angulus declinationis sensibi-
liter uariatur; neceps tamen solo sensu, sed concurrente uirtute interiori distinctiu[m] motus comprehenditur.

Propositio LXXXIX.

Omne uisibile ad utrumque oculum cōsimiliter situari.

Quod patet, quoniam quando utroque oculo res inspicit, utriusque oculi pupilla ad ipsam rem dirigitur, & axes utriusque oculi figuruntur

figuntur in eodem punto rei uisae, qui centro utriusque oculi opponitur; & uno moto aliis consimiliter mouetur. Alij uero radij cuiusque oculi maior ex parte consimilem situm, axium respectu habent; & ideo res in maior parte uno & eodem modo disposita utriusque oculo appetit. Quoniam sicut supra ostensum est, certificatio de re uisibili est per axes.

Propositio LXXX.


Ex variato sensibiliter situ uisibilis, duorum axium respectu, ipsum duo apparere.

Si enim uisibile ad unum axem sit dextrum, ad alium sinistrum, sensibili diversitate, unum appetet duo. Verbi gratia, si axes duorum oculorum A B, figantur in punto c, tunc unum uisibile in e apparebit duo. Similiter si figura tur in e, tunc duo videbuntur in c, quia utruncque est uni axi dextrum alteri sinistrum. Amplius si ex eadem parte respiciantur axes, sed ex magna declinatione ad unam partem, sit sensibilis uariatio anguli, qui facit species in oculis, ideoque similiter unum appetebit duo.

Verbi gratia, f punctus ex eadem parte respicit utrumque axem a b & b c, tamen propter magnam uariationem anguli f b c, qui in oculo b longe maior est, quam angulus f a c, in oculo a, sit diversificatio situs in oculo, & unum appetet duo. Quod etiam alicui modis unum appareat duo, supra propositione XXXII. ostensum est.

Propositio LXXXI.

g. iii In



PERSPECTIVAE COMMUNIS

In apprehensione uisibilium iuxta sensum, scientiam
& rationem uel Syllogismum uarie errare.

Exempli gratia, in Luce & colore qui sensu apprehenduntur erratur ex distantia. Multi enim minutū colores uidentur ex distantia unus color. Similiter & in Luce debili unus color uideatur alius esse. Quod si dixeris sensum non decipi circa propriū obiectum. Scito propriū obiectum tantum esse lucem, & colores, non autem aliquam speciem lucis & coloris, quae solo sensu minime capiuntur, ut ostendimus. Similiter secundum distantiam & scientię & rationi accedit deceptio, unde mota aliquando uidentur quiescentia, & econuerso.

Propositio LXXXII.

Stellas in Horizonte maiores apparere quam in alia parte cœli.

Quia enim, ut ex LXXXIII. patet, magis distare uidentur Stellæ in Horizonte, quam in alia cœli parte, ac tum in ortu tum in medio cœli sub æquali angulo uidentur, sequitur Stellas in Horizonte maiores apparere quam alibi. Quia res ex æquali angulo ad majorē distantiam relata, maior esse iudicat, ut ex prædictis innotuit. Quanquam si distantia esset maior, angulus sub quo uiderentur, esset minor. Est autem æqualis distantia, cum terra sit centrum mundi, & ex definitione sphæræ, omnes lineæ à terra ad stellas æquales erunt. Ideoq; angulus æqualis, ad apparenſ maius spaciū collatus rem, iudicat esse maiorem. Ad hoc etiā interpositio uaporum suuat, ut infra dicendum erit,

Propositio LXXXIII.

Corpora

Corpora sphærica in distantia apparere plana.

Cum enim sphæricitas vel concavitas discerni non possit, nisi ex comprehensa inæquali distantia partium rei uisæ, necesse est in hujusmodi perceptione uisum deficere, propter immode-
ratam distantiam, sicut patet. Si igitur nulla pars rei uisæ plus al-
tera distare uidetur, necesse est unius figuræ & dispositionis, to-
tam superficiem rei uisæ apparere,

Propositio LXXXIII.

Quadratas magnitudines in distantia apparere
oblongas.

Excessus enim radiorum cadentium in latera quadrati, obli-
que respicientia oculum, non est proportionalis, proportione
sensibili, ad radios cadentes in latus quadrati, directe oculum re-
spiciens, per comparationem ad totam distantiam. Et uisus nō
sufficit ut discernat obliquitatem lateris, quod oblique uidetur
& sub longioribus radib⁹ & minori angulo, & ideo tale latus ap-
paret minus. Quod si angulus quadrati recte opponatur uisu,
apparebit quadratum rotundum uisu, quia angulū præ distan-
cia uisu minime potest discernere.

FINIS PRIMI LIBRI.

PERPECTIVAE COMMVNIS, LIBER II.

Propositio I.

Luces primarias & secundarias puras & coloribus
immixtas, à dēsorū corporū superficiebus reuerberari.

Radius enim Lucis & coloris natus est incedere per diaphanum. Occurrente uero corpore denso, quia uirtus radiantis, & influentia radiosi nondum est terminata, nec per directum transire potest, redit radius per reflexionem in partem unde uenit, si cut pila cum proſicitur ad parietem, cum non potest per directū transire, reuertitur more reflexionis, in quātum durat uirtus impellentis. Atq; huius rei argumenta nobis diuersa experimenta præbent. Autor perspectivæ hoc in speculis ferreis ostendit, in quibus non est aliqua diaphanitas, incidente enim radio lucis in speculum in aliqua domo, in pariete sensibiliter lux reflexa uidetur. Comprobant & idem radj Solares, ut docet Aristoteles in primo Metheororum. Quia enim reflectuntur à superficie terræ, calor intensior est prope terram, quam in medio aeris intersticio. Idem sit & in uallibus ad quas utriuscq; montis densitas radios reflectit. Porro reflexio sit non solum occurrentibus densis, sed quandoq; occurrentibus perspicuis corporibus, sed de minori genere perspicuitatis, cuiusmodi sunt uitrum, aqua & alia humida: quæ licet sint diaphana, tamen habent aliquam densitatem, inde est quod Solis radius ad aquam ueniens, eam ingreditur per refractionem: & interim tamen etiam ad partem oppositam per reflexionem resiliit, sicut experientia docet. Nam oculus in aqua existens Solem uidere potest, quod non esset nisi radius in aqua usq; ad oculum multiplicaretur. Item si aqua uel alijs liquor in domo radijs Solis exponatur, radij sensibiliter uidentur.

dentur in pariete. Similiter oculus extra aquam existens, potest Solem uidere per radium venientem ab aqua, quod non esset, nisi si radius multiplicaret se ab aqua in aerem, usque ad oculum. Quia itaque aqua habet densitatem aliquam, ideo reflectit radium aliquiter, & quia habet perspicuitatem aliquam, ideo praebet transsum aliquiter. Et si domus stet iuxta aquam, possibile est per eandem fenestram, per quam incidit radius Solis, quod ingressus datur radius reflexionis ab aqua, & apparebit uterque radius a partitione distincta in domo. Radius siquidem rectus, apparebit deorsum contra Solem. Radius reflexus apparebit sursum contra locum reflexionis. Et alibi in domo, ubi neuter radiorum attingit, est lux secundaria, & ideo lux a luce, claritate differt, quia radius rectus est clarior radio reflexo, & radius reflexus est clarior luce secundaria. Luces autem puras & non mixtas vocamus, ut solent esse corpora supercaelestia, quae coloribus immixtis a superficiebus densorum corporum reflectuntur. Patet itaque, quod omne corpus potest reverberare uitutem incidentem super ipsum, quia omne corpus est aliqualiter densum, & ubi maior densitas, ibi est maior reflexio, & maior multiplicatio uitutis versus agens. Item, ubiunque sit fractio, ibi sit aliqualis reflexio, sed non econverso. Nam ubiunque sit fractio, ibi est aliqualis densitas, quare & aliqualis refractio.

Propositio

II.

Reflexiones solas a regularibus superficiebus factas ab oculo sentiri.

Superficies regulares uoco illas, quae dispositionis uniformis in oibus partibus suis sunt, ut planas, conuexas, & huiusmodi. Irregulares autem, sunt superficies asperorum corporum, in quas lux cadens, propter asperitatem dispergitur & distractitur, ne regulariter super oculum oriri possit. Et sic levia corpora, propter re-

h gula-

PERSPECTIVAE COMMUNIS

gularem superficiem, radios uniformiter reflectunt: sed aspera disperse & difformiter, ideoq; aspera specula non representant imaginem uel figuram rei, sed colorē tantū, leuia uero utrumq; referunt. A superficiebus enim regularibus eodem modo ordinate reflectitur, quo in ipsis secundum pyramides radios recipitur, & ideo, quia non sit uisus sine pyramidibus radios. Per tales & nō alias superficies peruenit imago rei ad uisum: sicut enim radij illi si essent in directum porrecti, ostenderent id cuius sunt, sic & reflexi illud ostendunt, sed alio modo. Essentiale enim est radij corpora reuelare, cuius sunt similitudines.

Propositio III.

Luces reflexas, similiter & colores, debiliores esse directe radiantibus,

Huius causam præbet, non solum elongatio à fonte, uel à corpore luminoso, imò magis debilitatio ex obliquitate. Rectitudo siquidem cognata est processui lucis, & natura in omni operatione experit rectitudinem, & agit secundū lineas bruisissimas. Ac omnis motus tanto est fortior, quanto est rectior, & per consequens rectitudine sublata, necesse erit uigorem lucis uel coloris ex parte remitti & latescere. Et hæc est ratio, quare lumen Solis per fenestras uitreas coloratas transiens, faciat colorem ipsum sensibiliter radiare & tingere opacum sibi obiectū: propter fortitudinem scilicet radiorum, directe quasi radiantium. Sed radius à solido reflexus hoc non potest facere. Fortitudo enim lucis necessaria est colori, non solum ad ipsum mouendū, sed etiam ad mouendum cum ipso colore medium, quo exceedit radij fortitudo uitrum penetrantis, quamvis aliquantulum frangatur.

Propositio IIII.

Res

Reflexiones factas à superficiebus fortiter coloratis,
nihil aut tenuiter uisum mouere.

Lux enim directa, ut ex præmissa patet, fortior est quam res-
flexa, similiter & color. Quod si illa superficies sit regularis, &
bene polita, res in ea uideri poterunt, sed tamen non sicut sunt,
uerum colore speciali à speculo uestitæ.

Propositio v.

Luces & colores à speculis reflexos, res quarum sunt
species, oculo ostendere.

Nam species genita à re uisibili, essentialiter habet rem ostendere, cuius est similitudo. Quoniam in se fixum esse nō habens, necessario ducit in alterum cuius est. Quamuis igitur reflectatur, manet sibi essentia sua, & ideo rem ostendit, in situ tamen alio, cuius ratio infra patebit.


Propositio vi.

Angulos incidentiæ & reflexionis æquales esse: ra-
diūcū incidentem & reflexum in eadem superficie es-
se cum linea erigibili à puncto reflexionis.

Dicitur autem angulus incidentiæ, quem constituit radius
cadens super speculum cum superficie speculi ex una parte, uel
ex alia cum linea perpendiculari, à puncto incidentiæ, seu qui
idē est, reflexionis imaginabiliter erigibili. Angulus aut̄ reflexi-
onis dicitur, quem cum iisdem constituit radius reflexus. Sit
speculum A B, & uisibile c, à quo cadet radius in punctum D spe-
culi, & reflectatur ad uisum in E. Quod si igitur ex E punto ex-

PERSPECTIVAE COMMUNIS

Citetur perpendicularis super planum speculi, dico angulum A D C æqualem esse angulo E D B, uel C D F angulum, eo qui sub F D E, hoc est, angulū incidentiæ, angulo reflexionis. Hoc cotidiana docet experientia. Alhacen & Vitellio docent peculia ria instrumenta fabricare, quibus anguli reflexionis obseruari possint. Simplex tamen quadrans, etiam cotidie, huius rei nos potest certiores rededere. Si enim sumatur altitudo Solis cum eo, deinde excipiatur radius reflexus ab aqua in aliquam domum cadentem per foramina pinacidorum, apparebit, perpendicularum semper æqualem arcum de limbo absindere. Quod & angulo incidentiæ angulus reflexionis sit æqualis suis comprobatur rationibus. Euclides de speculis, habet suas demonstrationes.



Videtur autem hæc esse simplicissima ratio; ducantur in directum continuum q̄ C D, in G, & F D in H. Si itaq; radius rei uisibilis transiret speculum, manifestum, quod anguli A D C, B D G, Item C D F, H D G æquales essent per X v. primi Elementorum Eucli, sunt enim sibi inuicem ad uerticem. Cum autem superficiem speculi propter eius densitatem transire nequeat, reflectitur, & quia uirtus radiantis uniformiter, nondum est terminata, necesse est radium ad eundem angulum, quo transire, à speculo resistire. Vnde si perpendiculariter cadit in speculum, in se reflectitur. Si oblique, oblique quoq; in aliam partem reflectitur. Similia est uidere in motu ponderoso rum, si enim aliquod ponderosum ad corpus solidū descendat, uel projectum fuerit linealiter, si recte proiecitur per eandem linneam reuerberatur, si oblique, per consimilem in oppositā partem resistit. Est autem perpendicularis radius fortior alijs, nō solum propter conditionem radij absolutam, sed propter modum oriendi super rem obiectam, sicut patet ex declaratione X v. propositione primi huius. Fortitudo igitur radij cadentis, est secundum

dum quantitatem anguli, quem constituit cū perpendiculari in cadendo. Sed fortitudo in reflectendo, est secundum fortitudinem in cadendo. Modus igitur reflexionis, sequitur modum in cidentiae. Amplius illas tres lineas C D, F D, E D, esse in eadem superficie patet, quoniam omnis radius incessui rectitudinis, quantum possibile est, se conformat, quoniam innata est luci rectitudo, quod si aut superficiem istam egrederetur, dupliciter à rectitudine desiceret, & resiliendo & diuertendo. Sunt igitur in eadem superficie,

Propositio VII.

Diophaneitatem, speculi essentiam nō intrare, ei tamen per accidens aliquid conferre,

Si enim res in speculo ostenditur per radios reflexos, ut iam patet. Ergo perspicuitas, per quam species in profundum speculi ingreditur impedit, & sic non expedīt uisioni, ut speculum sit transparens. Quoniam reflexio est à denso, per primam huius, quia densum. Ideoq; specula uitrea sunt plumbo subducta. Quod si, ut quidam fabulantur, Diaphaneitas esset essentia-
lis speculo, non fierent specula de ferro & calibe, aut marmore polito, quæ sunt à diaphaneitate remotissima. In ferro tamen & alijs huiusmodi, propter intensionem nigritatis nō potest imago efficaciter repræsentari. Sed in quibusdam lapidibus debilis coloris, multo clarius est uidere imagines recipi, q̄b in vitro,

Propositio VIII.

In speculis uitreis, plumbo abrāso, nihil apparere.

Cuius ratio est, quoniam licet à uitri superficie fiat aliqua reflexio, tamen quando uitrum ex aliqua parte nō obumbratur, transit per ipsum lux directa, quæ fortitudine sua reflexum uin-

PERSPECTIVAE COMMVNIS

cit, sicut patet ex III. præmissarum huius. Quod si apponatur pannus obscurus & niger, uel huiusmodi aliquid poterit uideri imago rei uisibilis. Nam tunc nihil directe transit per uitrum, quod sit magnæ in radiando efficacia. Et sic, ut supra patuit, diaphaneitas uitri, non est de essentia speculi, nec de ratione ipsius, quia ipsa impediret magis reflexionem, ex quo species intrarent illa diaphaneitatem. Nihilominus tamen speculum potest esse diaphanum, licet de ratione eius non sit, sicut apparet in gemmis preciosis, ut Adamante, Crystallo, & huiusmodi. Ac fortior fit reflexio, quando specula sunt per corpora diaphana obfuscatæ, cumq; recipient reflexus in reverberatione, clariores sunt, quam in densis corporibus.

Propositio ix.

Superficies regulariter speculares septiformes esse.

Est enim speculum planum cuiuscunq; formæ, est sphæricus, tam concavum quam conuexum; est pyramidale intra & extra politum, sic & columnare. Et in his septem differentijs, scilicet plana, conuexa tria, & concava tria, sphærica, pyramidalia, & columnaria, sunt per singula diuersa apparitionum genera. Quædam autem sunt superficies irregulares, quæ quamuis sint politæ, uidetur partim planæ, & partim conuexæ, & partim concavæ, in eis tamen facies distorte apparent, propter irregularē reflexionem à superficie diuersitate.

Propositio x.

Materia speculi est leuitas intensa, forma uero perfecta politura.

Leuita

Leuitas hic dicitur magna partium continuatas, carens potius sensibilibus omnino, unde lignum & huiusmodi corpora non possunt esse specula. Per polituram intelligitur, omnis asperitatis amotio. Si igitur sit corpus multum leue, & intense politum, erit speculum essentialiter. Ad hoc tamen ut speculum lucide visibilia representet, exigetur, ut non sit coloratum colore sensibili. Requiritur etiam, ut nec puluere, nec anhelitu, nec humore sit respersum: & hoc est quod dicunt oportere speculum esse terrum & leuitate intensa. Ideoq; politura hoc unum agitur, ut inducatur leuitas. Et quo materia est durior, eo etiam magis intensam leuitatem & puritatem recipit, quemadmodum in Adamante, & in durissimis metallis subductis folijs uel obfuscatis patet. Quare leuitas est materia speculi, & politura forma, quae nihil aliud est quam planissima glacies, in qua demoliti sunt pori sensibles & grossities uisibilis,

Propositio XI.

Res in speculis apparere uniuersaliter debilius quam directe.

Quoniam, ut patet ex tertia huius, formæ reflexæ debiliores sunt, & ideo debilius representant, & etiam debiliter mouent, propter quod homo uix formæ recordatur in speculo uisus, cum alterius quem directe uidit, ideoq; semper in animo secum circumferat. Præterea & color speculi etiam immiscetur luci reflexæ, & obfuscat eam, ideoq; facies illo colore tincta apparet, quo speculum est coloratum. Latent etiam faciei maculae propter debilitatem reflexionis. Quanto enim speculum magis est lucidum, tanto facies apparet candidior: & quo de nigredine plus participat, tanto facies obscurior uidetur, ut in ferreis & uitris speculis contingit, quæ multum habent nigredinis, cū propter materiam, tum propter id quod eis subducitur, ne species penetrant

PERSPECTIVAE COMMUNIS

penetrent. At Crystallina & Gemmea specula, subducta folijs, facies absq; maculis sensibilius, & in proprio colore carneo, referunt, idq; rectius quam ulla alia specula. Et si enim reflexiont aliquid addunt perspicuitatis, tamen ea penetrat, ut ei immiscea tur & representetur oculo, quo faciem aliter quam directe visetur, ostendat. Quare, ut perhibent, Reges orientis Adamantina & Crystallina specula habere solent.

Propositio XII.

In quolibet punto speculi, obiecto luminoso, duas lucis terminari pyramides, unam incidentem, & aliam resilientem.

Prima pars huius patet, ex quarta propositione primi huius. Et quia lux reflectitur a polito, sequitur, ut etiam pyramis a quolibet punto reflectatur, quod secundo proponebatur.

Propositio XIII.

A quolibet punto luminosi, in quemlibet punctum speculi obiecti, radium incidere.

Hac sequitur ex XII. primi huius.

Propositio XIV.

A quolibet punto luminosi porrigi pyramidem, totam obiecti speculi superficiem occupantem.

Hac sequitur ex VI. primi huius.

Propositio

A superficie speculi infinitas fieri completas reflexiones formæ uisibilis.

Hoc ex præhabitis patet. Sit enim res uisa plana, & speculum planum, tota species rei uisae, non solum recipitur in tota superficie speculi, sed in qualibet parte eius. Et quamuis partes, à quibus potest fieri reflexio, sint finitæ, per diuersam tamen proportionem, cum alijs partibus sunt infinitæ. Cum igitur secundum modum incidentiae sit reflexio, oportet infinitas, à qualibet speculo, fieri reflexiones. Secundum enim aliam atq; aliam pyramidem, in qualibet alio atq; alio punto sit uisus. Non tamen ideo sunt infinita actu, quia hæc omnia sunt unum corpus lucis. Reflexiones autem completæ, sunt quæ tota rem ostendunt.

Radium super speculum perpendiculariter orientem, in se reflecti.

Hæc sequitur ex sexta huius. Quoniam si per aliam lineam reflecteretur, per minorem angulum resiliret, & non essent æquales anguli incidentiae & reflexionis.

Lucem reflexam, per aggregationem fieri fortiorrem luce incidente.

Omnis siquidem uirtus unita, plus potest dispersa. Et similiter radj cum disperguntur, debilitantur, & cum adiuuantur, fortificantur.

PERSPECTIVAE COMMUNIS

tificantur. Quare ad aliquem effectum producendū magis conferūt radij reflexi adunati, quam directi dispersi. Hinc est, quod à speculis concavis sphæricis ad Solem positis ignis accenditur. Si enim directe speculum radijs Solis opponitur, omnes partim super unum punctum, partim super unam lineam incidere necesse est. Omnes enim radij ab eodem circulo reflexi, in unum punctum cadunt. Cum nanc̄ talium sint æquales anguli incidentia, reflectentur etiam ad angulos æquales. Quod autem lux directa ignem non generat, est, quia radij Solis non possunt concurrere, nisi fracti vel reflexi.

Propositio **XVIII.**

Lucē speculo incidere, & reflecti per lineas naturales.

Linea siquidem radiosā naturalis est, nec saluatur radij essentia, nisi in latitudine aliqua. Et quia apparitio in speculis, secundum diuersitatem figuræ mutatur, planum est, quod à punto Mathematico non sit reflexio, quia illius nulla est secundū superficies diuersificatio. Quare lineam naturalem, definimus esse radium uisibilem, si uisibilis, ergo latitudine aliqua uisibilis. Similiter punctus est finis & principium radij linea uisibilis, sicut & Mathematicæ considerationis est, non tamen cuius pars non est. Nam linea ab oculo comprehenditur, igitur & principium eius, quod hic pro modica parte accipitur, & non Mathematicæ omnino. Constat itaq; nostrum propositum.

Propositio **XIX.**

Formas in speculis apparentes, per impressionem in speculis factam, minime uideri,

Quidam

Quidam enim existimant, quod res in speculis apparent per Idola, quae speculis imprimantur, & res quasi in Idolis apparet. Idola tamen ipsa primo uideri. Et iste error geminatur. Quidam enim dicunt Idolum ipsi speculo imprimi, & ibi esse tanquam maculam uel impressum signum, ac uisum mouere. Hoc multipliciter falsum ostenditur. In speculis enim ferreis, & adamantinis uidentur res, in quibus tamen nulla est perspicuitas receptio*rum* impressionis. Item si res imprimeretur speculo, diffunderet se undiq*ue* a speculo, neq*ue* requireretur determinatus situs oculi ad uidendum rem in speculo, sed posset uideri in omnⁱ parte respectu speculi, quod falso*m* est. Non enim uideatur res, nisi oculo existente in eadem superficie, cum linea incidentia & linea reflexionis, æqualibus existentibus angulis incidentia & reflexionis. Item quantitas Idoli nunquam excederet quantitatem speculi, quod falso*m*. Item in uno eodemq*ue* punto speculi, a diuersis uisibus, diuersa & distincta quoq*ue* conspiciuntur Idola. Porro si Idolum imprimeretur speculo, appareret in speculo & non ultra speculum, quod etiam falso*m* est. Apparent enim in concursu imaginario radij cum Catheto. Neq*ue* est quod discatur perspicuitatem aliquid ad essentiam speculi per se facere, ut docuit septima huius. Proinde alij dicunt Idolum non imprimit speculo, sed esse in concurso radij cum catheto, scilicet ultra speculum, ubi apparet Idolum, quod pariter absolum est. Nam in aqua turris appetat tantum esse in terra, quantum est in aere. Et si ponatur mons Aeneus in loco apparitionis, ita lique appetbit, ac si ponatur ibi aer uel aqua, Idola igitur rerū, non imprimuntur speculis. Apparent tamen res in speculis secundum ueritatem, ueluti Sol uel turris, aut aliud huiusmodi, sed extra locum suum. Nam res non appetat uisum per reflexionem in loco suo. Quia em̄ uisus assuetus est uidere per lineas rectas, ideo non percipit incuruationem reflexionis. Sicut aliquando oculus unum iudicat esse duo, ut supra patuit, quia res appetat non solum in loco, sed etiam extra locum suum, ita etiam in proposa-

P E R S P E C T I V A E C O M M U N I S


to, quantum ad hoc, quia res in speculo secundum veritatē uide tur, sed in situ erratur, & aliquando in numero, ut infra patebit. Hinc est, quod uisus semper aestimat rem esse in radio uisuali, & locum imaginis, quam uocamus apparitionem rei, in aliquo puncto eius, & ideo uisus iudicat rem esse in directo oculi.

Propositio XX,

In speculis planis, ex alijs in maiori parte, imaginem apparere in concursu radij cum catheto.

Cathetus, est linea perpendicularis ducta à re uisa super superficiem speculi, vel super lineam contingentem, imaginabileiter superficiem speculi, & ultra speculum, si opus fuerit, in directum continuumq; protractam. In concursu inquam huius catheti, & radij scilicet imaginabilis sub quo res uidetur, apparet illa imago esse, quæ uidetur. Quod hoc modo probatur, Longitudine radiorum oculo præsentatur, per L X V I I, primi huius. Sed quia pars radij reflexa mouet uisum, & partem radij incidentem in speculum apprehendit, nec oculus aduertere potest reflexiones, siquidem nihil nisi partem radij, quæ uisum qualificat apprehendit, sit ut totus radius, quasi in continuū directūq; procedens, oculo repræsentetur. Quapropter necesse est, rem quæ in speculo uidetur, si supra speculum est, sub eo, in concursu radij cum catheto apparere. Sit exempli gratia, speculum A B G, res uisa c k, oculus uidens d. Et à re uisa in speculum cadant radij k A, c B, quæ reflectantur ad oculum per radios A D, & B D. Sit uero cathetus k c G F E, & reiçciatur radius de A in E, & ex B in F. Punctus igitur k uidetur in E, & puctus c in F sub radijs reflexis, quia totus radius k A D, uel c B D, præsentatur oculo, quasi in continuū directumq; procederet, quoniam reflexionem non percipit. Sed in catheto, p punctum à c tantum distat sub speculo, quantum c à g supra, similiter & e à g, quantum k ab ea dem

dem intersectione catheti cum linea contingentis speculū. Cum enim per sextam huius anguli incidentiae & reflexionis sint α , quales, & radij sub ijsdem angulis videantur porrigi in profundum, quibus reflectuntur, per x v. pri-
mi Elementorum Euclidis, ac an-
guli qui circa recti, sequitur per
 $XXVI$. primi Elementorum Eu-
clidis, latus c & g æqualis esse, lateri
 g r , item k g , lateri g e . Manifestū
itaq; est res in catheto eodem mo-
do apparere, quo situ proprio.
Sed hoc rectius in speculis planis
quam alijs appetet.

Propositio XXI.

Altitudines in speculis directe suprapositas, eueras
apparere.

Hæc patet ex præmissa. Demonstratum enim est c & x pun-
cta in eodem catheto tantum infra speculum apparere, quantū
supra speculum emineant. Ethuius rei exemplum sumi potest
de domo uel arbore stante iuxta aquam, cuius supremum maxi-
me appetet deorsum, & econuerso. Nam quod est supremum in
aere, appetet insitum in aqua, propter radiorum elongatio-
nem; & superiores partes, quātum eminent superius, tantum in-
ferius apparent in profundo, propter casum radiorum in cathe-
to. Rēs igitur tantū appetet ultra speculum, uel sub ipso, quan-
tum est supra. Quod si oculus se ipsum uideat, idem accidit quā
uis radius perpendiculariter oriatur, quoniam, ut dictum, radi-
us directe comprehenditur, Amplius perpendicularis radius nō
est

PERSPECTIVAE COMMUNIS

est secundum esse naturale, sed imaginarium, declaratur igitur quod dictum est secundum ueritatem. In alijs tamen speculis præterq; in planis res aliter se habet, ut infra demonstrabimus.

Propositio XXII.

In speculis planis facialiter obiectis, apparere imagines preposteras, & sinistra dextris permutatim opposita.


Huius propositionis prima pars patet ex præmissa. Ex eodem enim sequitur, ut superius appareat inferius, ex quo sequitur, ut anterius appareat posterius. Amplius secunda pars sequitur, quoniam in eodem speculo, eadem res apparent sibi opposita. Res autem oppositæ habent dextra sinistris opposita permutatim. Ratio uero cur res appareat opposita est, quia pars radij mouens oculum dirigitur in oppositum, & propter hoc totus radius, uelut in partem illam, quasi porrectus accipitur, & per consequens res in extremo eius uidetur.

Propositio XXIII.

In speculis planis unam solam imaginem apparere.

Sit enim res uisa A, in speculo B C E G, & sit oculus F, fiatq; uisus per radium incidentem A E, & radium reflexum E F. Dico

quod punctus A, non potest reflecti ad uisum F, ab alio punto speculi, quam ab E. Si enim est possibile, detur aliis punctus, in quem cadat radius ab A in speculum, utpote C. Radius itaq; A C, reflectetur ad æqualem angulum in K. Sed quia angulus incidentia A C B, maior est angulo incidentia A E B, per X VI primi.



primi elementorū Eucli, utpote in triangulo A E C, uno latere pro ducto, exterior interior & opposito. Erit angulus reflexionis K C E maior angulo reflexionis F E G. Impossibile igitur est, ut radius C K, & E F in parte K & F concurrent. In duas enim lineas C K & E F incidit linea C B, & quia per XII. primi Elementorum Euclidis F E linea incidentis in B C lineam, cuius C E pars est, facit duos angulos G E F, & B E F, duobus rectis aequales, ac angulus K C E demonstratus est maior angulo F E G, sequitur K C E, & C E F an gulos maiores esse duobus rectis. Radij igitur reflexi C K & E F, ex alia parte concurrent per XI. communem sententiam, & in parte K & F, quod longius protracti fuerint, eō longius distabunt. Porro si alius est punctus reflexionis quam E, non in longitudine speculi, sicut posuit, sed in latitudine. Tunc poterit duci perpendicularis ab oculo, aequidistantis perpendiculari erigibili ab alio punto, & ita ab uno punto essent plures perpendicularares ducibiles, quod est impossibile. Patet itaq; propositum per demonstrationem respectu unius oculi,

Propositio XXIII.

In speculo fracto, mutato situ partium, diuersas ima gines apparere.

Hoc experientia docet. Si enim partes speculi fracti ad eundem situm coaptentur, ad quem ante fractionem, non plures apparebunt imagines in frasto, quam in non frasto. Plurisfica tio nanc̄ apparitionum, non est propter fractionem, sed propter situs partium mutationem. Ita & in speculo concavo integrō plures apparent imagines, ut infra patebit. Quia enim, ut docuit XI. & X. huius, à qualibet parte speculi sit reflexio, sed in partes diuersas, ex mutatione situs partium fractarū fieri potest, ut sit reflexio ad eandem partem, & per cōsequens simul diuersas imagines apparere, non tamen plures, sed unam præ tendere

PERSPECTIVAE COMMUNIS

tendere. Amplius ex consimili causa accidit, quando speculum ponitur in aqua, ex eodem luminoso plures apparere imagines. Est autem uulgatum, si ita speculum in aqua Soli opponatur, quod una illarum imaginum sit imago Solis, & alia alicuius stellæ existentis prope Solem. Sed stella fixa esse non potest, quia Sol occultat eas, nec est aliqua de Planetis, quoniam Planetæ aliquando plus, aliquando minus distant, cum haec imagines semper æqualem distantiam habeant. Præterea ad lumen Lunæ, idem sicut Solis accidit. Item ad lumen candelæ similiter potest experiri. Quapropter non est stella, quæ apparet, sed est duplex imago Solis uel Lunæ, uel candelæ de duplicitate speculo reflexa. Fit enim reflexio à superficie aquæ, & cum lumen radiosum intrat in aquæ profundum occurrente speculo denuo inde reflectitur, & necesse est iuxta diuersitatem situs & superficie speculi aliud eiusmodi luminosi Idolum apparere. Et aestimatur, quod illa quæ ab aqua fit, maior sit & sensibilior, quoniam radius, qui facit aliam imaginem multum debilitatur. Primo enim frangitur in superficie aquæ, deinde reflectitur à speculo, tertio frangitur à superficie aeris. Sed reflexio & fractio multum debilitant speciem, ne possit sufficienter representari, & ideo imago ista est debilior, & minor & minus sensibilis. Quare etiā hoc modo non sunt plura Idola, nisi à ualde luminoso.

Propositio xxv.

In speculo plano duobus oculis unam imaginem apparere.

Quanquam enim ex diuersis punctis ad utrumque oculum fiat reflexio, tamen radij reflexionis secunt se in catheto, & aspectus utriuscunque oculi ad idem terminatur, sicut patet aptando xx. propositionem utriuscunque oculo, adiuuante Lxxix. primi huius, quoniam axes ad idem diriguntur,

Propositio

L I B E R II.
Propositio XXVI.


In omni superficie reflexionis, quatuor præcipue puncta contineri: & quod extra illa est minime uideri.

Hic quatuor puncti sunt, Centrum uisus, Punctus apprehensus, Terminus axis, id est, perpendicularis ductæ à centro uisus in speculum, & punctus reflexionis. Nec uidetur quod extra illam superficiem est, sicut ex XXII. propositione huius patet.

Propositio XXVII.

In speculis planis inuenire punctum reflexionis.

Sit enim A punctus uisus, B oculus siue centrum uisus, speculum DGH, & ducatur cathetus AH, qui productus in continuum directum q̄ ultra speculum tantum, quantum A est supra speculum, cadat in z: ac ducatur linea recta Bz, per punctū speculi G. Dico quod G est punctus reflexionis. Ducatur enim radius incidens AG. Quoniam igitur angulus zGH, & equalis est angulo DGD, quia ei est ad uerticem: & in duobus triangulis AHG, HZG, duo latera AH, & AZ, ex constructione sunt æqualia, & HG latus utriq; commune, ac anguli, qui ad HG recti, sequitur per IIII. primi Elementorum Euclidis, totum triangulum toti triangulo, & basim basi, ac reliquos angulos reliquis angulis, quibus æqualia latera subtendunt alterū alteri, æqualia esse. Quare angulo AGH, æqualis est angulus HZG, sed ostensum est, eūdē q̄b angulo BGD æqualem esse. Proinde, ut patet ex præmissis, à punto G, & à nullo alio est reflexio. Contingit etiam unum apparere



k duo


P E R S P E C T I V A E C O M M U N I S

duo in speculis planis, propter elongationem uisibilis ab axe, & propter diuersum situm oculorum ab axe communis, sicut in uisione directa supra ostendimus,

Propositio x x v i i .

In speculis planis figuræ & quantitatis ueritatem apparere.

Sit speculū planū F L R, cui superemineat longitudo z H, & ducantur radj z L, & H R, reflexi ad oculum E. Ducantur & catheti à punctis H & z, uidelicet H K & z G. Quoniam igitur catheti parallelī sunt, erit imago in terminis cathetorum, eiusdem quantitatis, cuius est z H. Ergo quantitas eadem apparet, quæ est directa, & figura eadem. Quoniam enim quælibet pars tantum apparet sub speculo, quantum est supra speculum, ut ex præhabitís patet, necesse est, partes inuicem eundem ordinem retinere, quem secundum ueritatem habent. Contingit tamen rem in speculis planis, minorem apparere, quam sit, idq; ex iisdem causis, ex quibus in uisu directo, scilicet ex distantia. Quanquam uerum est, minorem errorem in his speculis quam in alijs accidere, uidelicet in situ tantum, & in his quæ sunt oinni speculo communia, sicut supra in tertia huius, & alijs nonnullis patuit,



Propositio x x i x .

In speculis sphæricis extra politis, omnes accidentur errores qui in planis.


Com

Communes quidem cause sunt errandi, tum quia lux debilitatur ex reflexione, tum quia res apparet extra locum suum, sibi ipsi opposita, ut supra uisum est. Accidunt etiam plures errores quam in planis, ut patebit.

Propositio xxx.

In speculis sphæricis extra politis, apparet imago in concursu radij cum catheto, id est, linea ducta in centrum sphæræ.

Hoc probari potest experientia, & ex causis naturalibus, ut supra in speculis planis patet. In hoc tamen differunt, quia in planis, ut supra uisum est, res semper tantum apparet sub speculo quantum est supra. In sphæricis autem extra politis, imago aliquando apparet in ipsa speculi superficie, aliquando intra, ali quando extra. Verbi gratia, Sit punctus uisus α , oculus β , punctus reflexionis γ , centrū uero sphæræ δ . Planum est, quod locus imaginis est ϵ . Quod si ponatur uisibile in ϵ , apparet imago in α . Quod si ponatur uisibile adhuc propinquius sphæræ, apparet imago extra sphærā, sicut hæc experimentanti facile patebit. Punctus autem reflexionis haud difficulter inuenietur, præsertim cū oculus & res uisa æqualiter à sphæra distant. Alias autem inuentio huius puncti est res maioris laboris & difficultatis quam utilitatis. Quoniam apparet in capite de imagine. Ex his etiam apparet, quod imago in talibus specu-



PERSPECTIVAE COMMUNIS


Ils sit propinquior quam res uisa, quod non est in plantis, sicut supra patuit.

Propositio XXXI.

In speculis sphæricis exterioribus, partes rei sicut sunt ordinatas apparere.

Exempli gratia, Sit res uisa A B, centrum speculi D, oculus E. Planum est, quod radius E H concurrit cum perpendiculari A D in puncto F, & radius E K cum perpendiculari B D in puncto G.

Erit igitur imago G F, minor quidem re uisa, sed tamen partes inconfuse & ordinate apparebunt. Quod si res uisa posatur in eo situ cum diametro, sicut O B, idem iudicium apparebit, sicut patet dictis lineis ad O B, quemadmodum ad A B factum. Ex quo patet, quod obliquæ longitudines, in dictis speculis apparent quemadmodum sunt in ueritate,





Propositio XXXII.

In sphæricis speculis, recta in maiori parte curua apparere.

Hoc intelligendū de curuitate nō ad centrum speculi inflexa, sed ab eo auersa. Exempli gratia, Sit speculum sphæricum K N, res uisa A B C, oculus D, qui non sit in eadem superficie cum re uisa, & reflectatur ad oculum per D E, D F, D G. Apparet igitur res curua, cuius ratio est, quoniam in omnibus speculis, figura imaginis sequitur modum figuræ reuerberantis. Fit enim à superficie

cie reflexio per modum superficiet. Sed quia res uisa apparet, oportet ut & curuitas rei appareat, non in reflexione ad speculum, sed in reflexione à speculo: & hoc est intelligendum, quando uisus nō est in eadem superficie cū linea uisa, & centro sphæræ. Et simili de causa apparet, quod in superficiebus irregularibus, sicut in speculis quibusdam ualliculosis, facies representantur monstrose. Potest tamen hæc propositio, quantum in plano fieri potest, sic ostendi. Quia linea D F minima est, omnium rectarum, quæ possunt duci à re uisa A B C, ad speculum, & aliæ rectæ sic ductæ, quanto propinquiores sunt D F, tanto etiam sunt breuiores, sicut patet.

Igitur propinquius ipsum B apparebit in speculo quam A uel C, uel quicunq; alius punctus. Quanto autem propinquiora sunt ipsi B, tanto propinquius apparebunt in speculo. Totum ergo A C apparet conuexum. Quod similiter patet, si demonstratio in corpore solido, ad locum uisum imaginis referatur. In prædictis tamen speculis, recta apparent recta ut sunt, ideo additum est in maiorì parte. Hoc sit, quando res uisa & centrum sphæræ sunt in eadem superficie cum uisu. Verbi gratia sit res uisa L M, oculus N, puncta reflexionis O P, centrum sphæræ Q, planum est quod Idolum apparent rectum, sub linea uidelicit recta Q R. Quod declarandum erat.




Propositio XXXIII.

In speculis sphæricis, imagines, in maiorì parte, minores esse rebus uisis.

PERSPECTIVAE COMMUNIS

Quoniam ut in præmissis habuimus, concursus radiorum cum catheto, in sphæricis propinquior est oculo quam in planis speculis. Radii vero ab eodem punto procedentes, quanto magis protenduntur, tanto eorum extrema magis distant, & econuerso quo minus protelantur, eo eorum extrema minus inuenientur. Sequitur, sicut in planis speculis demonstratum est, imaginem æqualem esse rei uisæ, ita in sphæricis eundem minor rem esse. Euclides autem de speculis aliam huius rei causam ad ducit, cuius haec est sententia. Quia in planis speculis, à maiori superficie, quam in sphæricis fit reflexio, manifestum est, & reputatio Idolt, sequi conditionem reverberantis superficie, ideo oportet rem uisam in sphæricis speculis minorem apparere. Quoniam enim radii à conuexis reflexi magis disgregantur, & à planis, propter declinationem circuli, à quo est reflexio. Ut ad uisum concurrant radii, oportet reflexionem à breuiori superficie fieri. Haec tamen intelligenda sunt de plerisque contingentibus. Nam in his speculis, contingit rem in aliquo situ apparere eiusdem quantitatis cuius est: & aliquando maioris, sicut probat Alhacen in sexto perspectivæ. Quando enim imago non æquedistat rei uisæ, tunc etiam facit angulum acutum, cum radio, cuius casus est propinquior centro, & sic contingit imaginem æqualem uel etiam maiorem esse rei uisæ. Propter situm nancij obliquum rei respectu speculi, potest unus radius respectu alterius breueri, ita ut ex tali oblique ices

su,



su, imago excedere possit rem, uel ei æqualis esse. Quod autor ē de speculis latuit. Sed hæc ex sequentibus figuris exemplariter est deprehendere.

Propositio XXXIV.

In speculis conuexis quod minora sunt, eò in eis images minores apparere.

Quanto enim sphæra minor est, tanto concursus cum cathe-
to est centro propinquior, & locus imaginis angustior, quo bre-
uior semidiameter ei obuiare dinoſcitur.

Propositio XXXV.

In speculis columnaribus extra politis, idem acci-
dunt errores, qui & in planis ac sphæricis.

Hic loquimur de columna rotunda, quæ in longitudine con-
uenit cum planis, in rotunditate cum sphæricis, ideo utrorumq;
errores participat.

Propositio XXXVI.

In speculis colūnaribus, tripliciter fieri reflexiones.

Potest enim fieri reflexio à longitudine columnæ, uel ab eius
transuerso, uel à medio situ, inter utrumq; obliquo. Tunc autem
fit reflexio à longitudine columnæ, quando linea uisa, æquedisti-
stat lineæ longitudinis columnæ, sicut in planis speculis, atq;
per hanc reflexionem, locus imaginis, est in concursu radij cum
perpendiculari ducta super columnæ longitudinem, ac res ap-
paret

PERSPECTIVAE COMMUNIS

paret, sicut in planis, hoc excepto, quod quia reflexio fit a linea naturali, quae scilicet latitudinem habet, oportet rem aliquantulum curuam apparere, sicut de speculis conuexis ostensum est. Quod si vero fiat reflexio a linea circulari aequidistanti basibus columnæ, ueluti quando linea uisa ex transuerso columnæ applicatur, tunc locus imaginis, erit centrum circuli reflexionis, & apparitus assimilatur quodammodo ei, quod in sphæricis est prædictum, ut locus imaginis aliquando appareat infra circulum, aliquando extra circulum, aliquando in ipso circulo: res tamen minor apparet, quam in sphæricis, immo imago appetbit breuissima & turpissima, & hoc non potest commode in plano depingi, sed id experientia melius docebit. Postremo cum medio modo fit inflexio, hoc est, neque a longitudine, neque ab altitudine, sed ab obliquo, accidit etiam quantitatis variatio, in quantum scilicet sectio columnæ magis ad longitudinem uel latitudinem columnæ accedit. Et locus imaginis similiter esse potest, uel ultra uel citra speculum, uel in ipso speculo.

Propositio XXXVII.

In speculis pyramidalibus extra politis, multiplicari reflexiones sicut in columnaribus.

Hoc patet, quia potest fieri reflexio, uel a longitudine pyramidis, uel a latitudine, uel a medio. Ideo sicut in columnaribus diversificantur apparitiones, Locus scilicet imaginis, & figura rei apparentis. In hoc tamen differunt, quoniam in his res appetit pyramidata, eadem ratione, qua columnaris in columnâ. Unde tamen rei, ab uno puncto, supra unum locum sit reflexio, sicut in columnaribus & alijs extra politis.

Propositio XXXVIII.

In

In speculo pyramidali, quod locus reflexionis est conpropinquior, eodem imago minor.

Cuius ratio est, sicut supra in convexis, ppositione XXXIII.
Quoniam quanto sphæra est minor, tanto concursus cum cathe-
to est propinquior, & locus imaginis angustior, quo brevior.

Propositio XXXIX.


In speculis sphæricis concavis, quoniam possibile est
radius, perpendiculari non concurrere, necesse est ali-
ter quam in præmissis locum imaginis apparere.

Per perpendicularem, hic sicut in sphæricis extra politis in-
telligentem, lineam rectam ductam à re uisa per centrum sphæ-
ræ. Hæc autem perpendicularis aliquando æquidistant radio ui-
suali, & tunc locus imaginis est in puncto reflexionis. Idq; pro-
pterea, quia punctus reflexionis diuisibilis est, & ratione unius
medieratis apparere deberet ultra speculum, & ratione alterius
citra, ut patebit, sed quia una est forma & continua, appetet tota
in media distantia, scilicet, in ipso puncto reflexionis. Quando
vero concurrunt perpendicularis & radius, appetet res in eorum
cōcursu. Quod sit diuersimode, iuxta diuersum situm, aliquan-
do siquidem locus imaginis est in speculo: aliquando ultra, ali-
quando citra, & hoc aut inter uisum & speculum, aut in ipso cen-
tro uisu, aliquando etiam retro oculum. Quæ omnia, ut intelli-
gantur, oculis subiectemus exemplariter. Sit speculum concavum
FPL, cuius centrum sit D, & ducatur diameter DA, & sit oculus A,
ducaturq; alia diameter istum orthogonaliter secans, quæ sit I
F, & ex A excitatæ AE recta æquidistans diametro IF. Deinde si-
gnentur in diametro IF, puncta M, C, K, Q. Manifestum est igit
ur, quod forma C, ab e speculi puncto reflectatur ad A oculum,

PERSPECTIVAE COMMUNIS

per lineam $E A$ æquidistantem diametro $L P$, scilicet perpendiculari-
ri $C D$, & apparet in E . Porro patet quod M reflectitur ab N , ad A ,

per lineam $N A$, & concurrit cum perpendiculari $D M$,
in puncto L . Sed K reflectitur à puncto G , ad A , per
lineam $G A$, & concurrit cum perpendiculari $K D$
in O . Sic Q reflectitur à puncto R , ad A , per lineam $R A$, & concurreat cum perpendiculari in puncto
 B . Quod si autem sumatur in diametro $D A$, pun-
ctus Z , iste reflecti poterit à puncto I , & non con-
currat cum perpendiculari $Z D$, nisi in ipso oculo.
Quapropter locus imaginis puncti M , est ultra
speculum in L . Locus imaginis puncti C in E , scilicet
in ipso speculo. Puncti vero K , retro oculum
in O , sic Q in B . Locus denique imaginis Z , in ipso
oculo. In his autem diuersitatibus apparitionum,
nusquam comprehenditur ueritas imaginis, nisi
cum locus eius fuerit ultra speculum, aut inter ui-
sum & speculum: unde quæ apparent in ipso oculo,
uel retro caput, non apparent cum certificatio-
ne rei uisibilis. Visus enim non est natus appre-
hendere certificationem formarum, nisi sint facia-
liter oppositæ.



Propositio XL.

Res existens in centro speculi concaui nō uidetur.

Reflexione uideri non potest, quoniam radij ab ea perpendiculariter cadunt super superficiem speculi. Igitur in se ipsum redi-
unt, & ita ad nullum alium punctum declinant extra centrum.
Cum igitur oculus sit extra centrum, non uidebit id, quod est in
centro.

Propositio XLI.

Oculus


Oculus existens in centro speculi concavi sphaerici,
uidet se tantum.

Hæc sequitur ex præmissa directe. Quoniam, cum res extra centrum posita, radios habet super superficiem speculi cadentes oblique, sequitur ut radij etiam ad partem oppositam reflectantur, & non in ipsum centrum; æquales enim sunt anguli incidentia & reflexionis. Posito igitur oculo in centro, quia radij in se reflextuntur per præmissam, clarum est, oculum se tantum uidere.

Propositio XLII.

Oculus, existens in semidiametro speculi concavi sphaerici, nihil eorum uidet, quæ in illa semidiametro continentur.


Sit enim diameter $A B C$ speculi sphaerici concavi, & sit oculus in aliquo puncto semidiametri $B C$, utpote in D . Dico impossibile esse, ut aliquis punctus semidiametro $B C$, per reflexionem perueniat ad oculum D . Si enim possibile, cadat ex C puncto in E speculi, & reflectatur ad D , ac agatur ad punctum E linea $C O$ tingenteke $F E G$, p. X V I I . tertij elementorum Eucli. Erit igitur angulus $C E G$, æqualis angulo $F E D$, cum angulis incidentiæ & reflexionis, semper sint æquales. Sed ducta linea $B E$, anguli $B E F, B E G$, erunt æquales, quia recti, per X V I . tertij Element. Quamobrem $D E F$, erit maior recto, & $D E G$ minor. Non igitur æquales. Per sextam itaque propositionem huius patet propositum.



Propositio XLIII.

PERSPECTIVAE COMMUNIS

Quilibet punctus diametri, quantumlibet produc^t
etæ, potest esse locus imaginis.




Sit circulus A M G, super centro D, & ducantur duæ diametri A G, C M; sitq; oculus in E. Planū est, punctum L uideri in z, si anguli L H G, & C H E æquales fuerint. Similiter & punctus o, reflectitur à B, ad E, & uidetur in L. Atq; ita secundum diuer-
sam situationem rei uisibilis, poterit rei imago ui-
deri in quacuj; parte diametri productæ; dum ta-
men quantitati speculi proportionetur.

Propositio XLI II.

Punctum uisum, in speculo concavo-
sphærico, à pluribus locis reflexum, possi-
ble est unicam habere imaginem.

Quāuis enim à pluribus locis fiat reflexio simul, non ideo tñ
necessè est plures apparere imagines. Cētro nāq; uisus & re uisa
existente in eadem diametro, omnes radij uisuales, talis specula-
tionis, in eodem puncto catheti concurrunt, & sic, et si à quolibet
puncto circuli fit reflexio, tamen una tantum existit ima-
go. Verbi gratia, Sit speculum A B Z G, & in diametro A Z, sit res
uisa H, & centrum uisus E, æqualiter remota à
centro speculi D, & huic diametro alia ad angu-
los rectos ducatur, quæ sit G B. Planum est igi-
tur ex G B, punctis fieri reflexionē rei in H, ad
punctum E. Per IIII. enim primi elementorū
Euclidis, trianguli H G D, D G E sunt æqualess, si-
militer H B D, & D B E. Parí ratione fit reflexio
ad E, à toto circulo, cuius plana superficies in-
telligitur




telligitur ad angulos rectos erecta plano circuli $A B Z$ & super diametro $C B$, quæ sit linea communis sectionis. Et tamen, non nisi unica imago, ab omnibus istis reflexionibus apparebit, in punto scilicet E .

Propositio X L V.

Reuisibili & uisu, extra sphæram existentibus, in diuersis diametrī ab uno solo puncto fit reflexio.

Sit c punctus rei uisæ, H centrum oculi, & sint super æquidistantem $K E F$, sitq; D centrum speculi sphærici concavi, & ducantur lineæ $H D$ & $C D$. Patet, quod superficies $H D C$, sphæram speculi concavi in circulo $A B G Q$ secet. Iḡt̄ur c non reflectitur ad H , nisi ab aliquo puncto huius circuli per $X X V I$, huius. Non autem fit reflexio ab arcu $C B$, quoniam linea ducta à c , cadit supra ipsum speculum exterius & non interius. Reflectetur igit̄ur ab arcu $Q A$, in cuius extremitatibus terminantur lineæ $C D$, $H D$, protractæ. Dico, in hoc arcu unū tantum esse punctum, à quo possit fieri reflexio: uidelicet punctus Z , qui est terminus lineæ $L D$, diuidēt angulum $H D C$, per æqualia. Ducantur lineæ $C Z$, $H Z$. Triangulus igit̄ur $C D Z$ erit æqualis triangulo $H D Z$, per IIII. prīmi Elemen. Euclidis. Sed $H D$ & $C D$ sunt æqua-les, per eādē, igit̄ur $H Z D$ angulus æqualis est angulo $D Z C$. Ideoq; res uisa in c , reflectetur in punto Z , ad H uisum. Quod si $H D$ minor



PERSPECTIVAE COMMUNIS


esset quām c d, uel econuerso: re uisa scilicet & oculo inaequaliter distantibus: ducatur linea contingens prædictum speculum in punto e, ubi linea diuidens angulum c d h intersecat circulum a b g q. Veluti est k f, uel utcunq; ex d c & d h sumantur portiones æquales, & linea recta, cōnectantur, ut triangulus isoceles constituatur, eadem ratione demonstrabitur à z punto, c in h reflecti. Quod autem à nullo præterea punto reflectatur, planum est. Si enim ab alio etiam punto reflectatur, reflectatur ab o. Ducantur h o & c o lineæ, & diuidat linea o d m, angulum h o c per æqualia. Erit igitur c z minor, quām c o, & h o, quām h z, quia remotior à centro, per v i i i, tertij elementorum. Per tertiam itaq; sexti elementorum, sicut se habet c z ad h z, ita se habet c l ad h l. Similiter per eandem, erit ut c o ad h o, ita c m ad h m. Porro per v i i i, quinti elementorum erit maior ratio h z ad c z, quām h o ad c o. Quare per x i, quinti elementorum, maior quoq; erit ratio h l ad c l, quām h m ad m c. Quod est cōtra v i i i, quinti elementorum. Est igitur impossibile ab o, uel à quocunq; alio, præter à z pūcto, fieri reflexionem rei uisæ in c. Quod demonstrandum erat.

Propositio xlii

Possibile est, idem in speculo concauo duas habere imagines.

Ad hoc, ut res duas habeat imagines, duo requiruntur: primum est, ut à pluribus partibus speculi super oculū sit reflexio; alterum est, ut locus imaginis, sit aliud & aliud, secundum diuersitatem reflexionum, idq; in sensibili distantia. Et secundum hūiusmodi diuersitatem situs rei ad speculum, potest res, duas imagines, tres uel quatuor, & non plures habere. Verbi gratia, Sint duæ diametri speculi se orthogonaliter secantes, b d q, a d g, ducatus

catur iterum tertia diameter $E D Z$, quæ dividat angulum $B D E$ per æqualia, & à punto E , termino diametri medie, ducantur duæ perpendiculares super primas diametros, scilicet $E C$, $E H$. Erunt igitur duo trianguli $E C D$, $E H D$, æquales. Quod si oculus ponatur in B , & uisibile in C , reflectetur forma in C , à punto E , ad H , & erit locus imaginis E , quoniam $E H$ æquidistant $C D$. Amplius C reflecti potest à punto Z , quoniam trianguli $C D Z$, $H D Z$, sunt æquales. In hoc tamē situ, nō potest à pluribus partibus speculi fieri reflexio, sicut patet per præmissam. Locus autem imaginis est in F .



Propositio XLVII.

Possibile est, idem in speculo, concauo tres habere imagines.


Propositio XLVIII.

Possibile est in speculo concauo, unius rei quatuor imagines apparere.

Accipiantur enim duo puncta in diuersis diametris, quorum uatum intra circulum, & aliud in ipsa circuli circumferentia uel extra sit, ac describatur circulus, qui hæc duo puncta cū centro speculi concludat. Quod si iste circulus, secuerit circulum speculi in uno loco, erit reflexio ab uno arcu tantum: si in duobus, poterit esse reflexio ab uno punto arcus interiacentis diametros, aut à duobus, aut à tribus, & aliquando à quatuor. Verbi gratia, sit speculum, ut supra $A B C Q$, sitq[ue] eius centrum D : &

PERSPECTIVAE COMMUNIS

D: & sumantur duæ diametri A G, Q B, sicq; tertia diameter E Z,
quæ angulum à primitus contentū diuidit in æqualia. Deinde su-



matur punctus c, in diametro Q B, ut
sit circumferentiae propinquior, q; punctus c in demonstratione de dua
bus imaginibus, & ex A G absindat A
h linea æqualis Q C. Dico igitur quod
c reflectitur à punto e, & à punto z,
sicui patet ex præhabitatis. Amplius,
reflectitur etiam præterea ab alijs du
obus punctis. Si enim ex punto c ex
citatur perpendicularis, hæc necessa
rio cum diametro z e, concurret extra
sphæram speculi, ut in punto o, & si
describatur circulus per H D C, transi

bit etiam necessario per o punctum. Et cum hic circulus minor
fecerit maiorem in duobus punctis, quæ sunt M L, ducantur lineæ
H M, D M, C M, & C L, C L, H L. Erit igitur angulus C L D, angulo D L
H æqualis, per XXI. tertij elementorum. Quoniam cadunt in
circumferentias æquales, in quartas scilicet circuit minoris.
Igitur c poterit reflecti ab L. Item eadem ratione angulus D M H
æqualis erit angulo D M C. Quare c quoq; ab M punto reflecti
potest. Punctus itaq; c quatuor imagines habebit.


Propositio X L I X.

In solis speculis cōcauis, res cōfuse & dubie apparere.

Quoniam in his solis speculis, res apparent in oculo, uel retro
oculum. Visus autem, naturaliter non acquirit formas, nisi rerū
facialiter obiectarum. Et ideo res quæ aliter apparent, dubie &
confuse necesse est apparere.

Propositio

In speculis concavis, res nunc conuersas, nunc euer-
fas apparere.



L *Imago rei uisae*, & pucctu b, quod est sursum & eleuatu, uidet
i *x deorsum*, sic A, qud est deorsum, uidet in L sursum. Quod patet
ex illo principio, quae sub eleuationibus radijs uideantur, eleua-
tiora apparent, uidetur itaque A linea conuersa. Porro sit res uis-
sa in N, cuius radij non concurrunt ante incidentiam in speculū,
& sint radij ab ea procedentes M C, N C, qui reflectantur in o pun-
ctum. Deinde ducatur cathetus h M, donec ultra speculū cons-
m cuirat

PERSPECTIVAE COMMUNIS

currunt cum G C, in puncto O, sic & H N cathetus proieciantur in continuum directumque donec cum G D in P concurrat, ac O P, puncta per lineam rectam coniungantur. Erit igitur O P imago rei uisae, quæ eversa & opposita, ut in planis speculis apparebit. Patet itaque propositum. Qui uero copiosiorem huius demonstrationem desiderat, sextum consulat perspectivæ Alhacen.

Propositio L I.

In speculis concavis, res aliquando pares, aliquando maiores, aliquando uero breuiores apparere.

Hoc copiosissime demonstratur in VI. perspectivæ. Sed tamen breuiter colligitur ex præmissa. Quoniam quæ apparent ante confluentiam radiorum, maiores quam sint apparent; quæ uero post confluentiam radiorum apparent, secundum diuersitatem situs maiora, minora, uel æqualia apparere possunt, iuxta quod propinquiora uel remotiora sunt ab intersectione. Et ex hoc patet, quanto sunt à speculo remotiora, tanto apparent maiora.

Propositio L II.

In speculis concavis, ex diuersitate situum, quædam apparere recta, quædam curua, quædam conuexa.

Huius ueritas patet per XXI. & sequentibus duabus huius, per oppositum eorum, quæ ibi dicuntur, & diffuse demonstratur libro sexto, capite septimo Alhacen. Euclides autem tantum apparentis curuitatis meminit.

Propositio L III.

Ia

In speculis columnaribus intra politis, eosdem errores accidere, qui & in sphæricis accidentur.

Et hæc luculenter demonstratur libro sexto, capite octauo. Nō opus est ut diu in eius demonstratione laboremus, quia haud difficiile est intellectu, quomodo errores qui in prædictis contingunt, his cōpetant, de numero imaginum, situ, rectitudine & curuitate apparitionum. &c.

Propositio LIII.

In pyramidalibus concavis, omnes errores accidere, qui accident in columnaribus concavis.

Hoc satis liquet ex prædictis, & libro sexto, capite nono, ab Alhacen est demonstratum.

Propositio LV

In speculis concavis, ad Solē positis, ignem generari.

Quod speculū, si est portio sphæræ, in eius centro ignis generatur, concursu uidelicet radiorum reflexorū, cum radio incidente, quādo directe ad Solem cōvertitur, patet. In speculis autem concavis, factis per artem traditam in libro de speculis comburentibus, res se aliter habet. In illis enim speculis reflectūtur omnes radij extra locum incidentiæ, prope uel longe, prout speculum magis uel minus concauum fuerit. Omnes autem radij à tali speculo reflexi, concurrunt in unum punctum ad aerem disgregandum & inflammandum. Cum autem in speculo concauo sphærica figuræ, non fiat reflexio omnium radiorum ad unum punctum, sed ab aliquo círculo, debiliter à talibus ignis accenditur,

m 2 Pro-

Stellas quasdam ex reflexione radiorum solarium
ad ipsas apparenter scintillare.

Cum enim Stellæ, sint corpora solida, æqualis superficie, necesse est, ut habeant superficies speculares. Reflectunt ergo radios Solis. Sed quia corpora cœlestia continue mouentur, ideo angulus incidentiæ continue uariatur, quare & reflexionis. Talis autem sensibilis uariatio, facit quandam uibrationis apparentiam. Quanq[ue] autem autor perspectiua aliter sentiat, tamen mihi non uidetur totam scintillationis causam, oculorum defectui ascribendum esse. Nec conatus quisquam, nec radiorum inuolutio, hoc per se efficere potest. Videmus enim superficies decuruatas Soli oppositas, ex multa clarâ ac splendentia, fortî luce suffusa, scintillare, quæ tamen summa facilitate oculo præsentantur. Item uisus tantum deficit in compræhensione quorundam planetarum, quantum in aliâ stellarum. Et Canicula & inter stellas fixas aliæ quædâ clariores uidentur quam aliæ, ubi nec uisus plus conatur, nec magis quam in alijs reuerberatur. Etsi igitur defectus uisus aliquid ad scintillationem conferre potest, non tamen est eius causa sufficiens. Sed dicat forte aliquis. Si stellæ sunt specula, ergo intuendo stellas, debebat apparet Sol. Item sicut dictum est de stellis fixis, ita eadem ratione planetas oporteret scintillare. Quantum ad primum respôdendū, si totum cælum esset speculum, tamen oculus in centro existens uideret se tantum, ut patet ex *X L*, huius. Quia igitur, anguli incidentiæ & reflexionis æquales sunt, radius à Sole cadens, reflectitur, uel in se, si perpendicularis est, uel in aliam partem cæli, si non est perpendicularis. Non igitur in terram. Ad secundum autem ita respondendū. Planetas nō scintillare, quia prope sunt. Radius enim Solis, cadens super corpus stellæ fixæ, per reuerberationē

L I B R II.

uerberationē stellæ, facit magnum angulum incidentiæ, & per consequens reflexionis, ita quod propter elongationem radij à stella, uisus potest aduertere aliquo modo diuersitatem luminis Solaris & stellarum reflexi à stella. Contrā uero in corporibus planetarum, quia prope sunt, angulus, quem constituit radius incidentiæ & reflexionis cum superficie planetæ, minor est. Quapropter aspectus noster non distinguit inter lumen planetæ & Solis, ab eodem reflexum.

Finis Secundi Libri Perspe-
ctivæ communis.

m ,

Tertius

PERSPECTIVÆ COMMVNIS
TERTIVS LIBER
PERSPECTIVÆ COMMVNIS.

Propositio I.

Solus perpendicularis porrigitur recte, alterius dia-
phaneitatis medio occurrente.

Ista propositio, quæ est prima huius tertij libri, patet ex de-
claratione X IIII. & duarum sequentium primi libri.

Propositio II.

Fractio radij, tantum in ipsa superficie medij secundi
contingit.

Quoniam Lux in omni diaphano recte mouetur, quantum
in se est: incuruatio igitur uel declinatio à rectitudine esse non
potest, nisi in loco, ubi duo diaphana se contingunt. Quod si in
eodem corpore, continue sit diuersificatio, secundum rarum &
densum sensibiliter diuersum, an in tali diaphano lux habeat de-
cliuem incessum, satis prolixè disputatur. Ego tamen magis
sum in ea sententia quod sit, quam quod non sit. Tametsi autor
perspectivæ contrariorum sentiat.

Propositio III.

Anguli fractionis diuersificantur, secundum diuer-
sitatem declinationis, & differentiam diaphanitatis se-
undi medij.


Huius

Huius causa patet ex prædictis, quoniam duæ sunt causæ fractionis, una à parte radij, debilitas scilicet ex declinatiōe; & alia à parte medijs, diuersitas scilicet diaphanitatis. Quia igitur quanto maior est declinatio radij, tanto quoq; maior eius debilitatio, sequitur ut etiam propterea maior sit fractio. Amplius ex parte medijs. Quia quanto medium densius est, tanto magis resistit, sequitur, ut non fiat proportionalis transitus, nisi fiat maior fractio, quam in medio raro. Et ideo quod densiora sunt media secunda, eo necesse est res apparere maiores uel minores, sicut infra docebitur.

Propositio IV.

Locus imaginum, est in concursu perpendicularium à reuisa, imaginabilium duci in superficiem diaphani ipsam continentis, cū pyramide, sub qua res uidetur.


Sicut supra patuit, omnia quæ uidentur recte apparent, ac propter comprehensionem radij, per quam res oculo præsentatur, existimatur res esse in fine ipsius radij in continuum producti. Sicut ergo pro fundamento in speculis supponitur, rem apparere in concursu cum catheto, ita & in propo sitione fit. Verbi gratia, si usus A, uisibile B intra a, quam, sitq; B C radius, per quam species uisibilis uenit uersus oculū, iste radius procederet in C, si medium esset eiusdem naturæ & diaphanitatis, sed nunc frangitur à perpendiculari RE, & cadit in A. Ducatur igitur radius A C, scilicet radius uisualis, ita continuum & directum, donec contingat perpendiculari erigibilem à re uisa B H D, in L, erit igitur locus apparitionis in L, quæ secundum ueritatem est in B.



PERSPECTIVAE COMMUNIS

Propositio V.

Rem uisam per radios fractos, extra locum suum
necessæ est apparere.



Hoc patet ex prædictis. Si enim in concursu perpendicularium & radiorum uisualium apparet res uisa, & hic concursus est extra locum rei uisæ. Necessæ est ergo, rem alibi q̄ ubi sit apparere. In planis autem diaphanis, semper imago apparebit propinquior, quam res secundum ueritatem sit. In sphæricis hoc, sicut infra patebit, aliter esse potest. In planis autem uniuersaliter sic est, uerbi gratia G apparebit in K L.

Propositio VI.

Res partim existens in aere, partim in aqua, fracta
apparet.

Si enim pars existens in aqua propinquior apparet, quam sit secundum ueritatem, & res extra aquam in loco suo apparet. Ergo partes istæ, directe cōtinuatae apparere non possunt. Apparent itaq̄ cōtinuatae indirecte, Quamobrē fracta aestimatur.

Propositio VII.

Possibile est aliquid uideri per radios fractos, qd per directos ad oculum non pertingit.

Hoc

Hoc experimento patet. Quoniam si ponatur aliquid in profundu uasis mediocris altitudinis, & in tantam distantiam à uisu promoueat, ut amplius apparere desinat, deinde aqua infundatur, statim oculo manifestabitur. Qui enim radij, propter interpositionem opaci ad oculum pertingere non poterant, fracti possunt. Sit res uisibilis BG , oculus A , & sit BG in aqua. Planum est, quod non uidebitur sub radijs GA & BA , sed sub BC & GH radijs fractis ad A . Quamuis igitur impedianter radij GA & BA , ut pertingant ad oculum, non tamen impediuntur fracti. In aere autem fieret uisus sub GA & BA , radijs, illis igitur impeditis, in aere res per eos uide ri non potest, adueniente uero fractione ex diuersitate medij, poterit conspici.


Propositio VIII.

Rei uisæ sub radijs fractis, impossibile est certificari quantitatem.

Cuius ratio est, quia ad quantitatís certificationem, requiriatur cognitio distantiarum, & comprehensio anguli pyramidis, sub quo res uidetur. Sed utrumq; horum deficit, cum radij oculum mouentes frangantur, & per consequens angulus diuersificetur. Ex quo sequitur, ut quantitas stellarum ueraciter non cognoscatur. Quia cælum est corpus subtilius quam aer uel ignis.


Propositio IX.

Res uisa, existens in diaphano densiori superficie hemisphæralis, potest apparere maior quam sit, & minor, & etiam æqualis conuexitate ad oculum conuersa.




PERSPECTIVAE COMMUNIS

Hæc propositio, non est difficultas intellectu. Si enim quod qua
ta huius proponit, hic quoque assu
mas, deinde diligenter perpendas quomodo pro ratiōe diuersae di
aphanitatis res per radios refras
tos ad uisum perueniat, uidebis quomodo & maior & minor, &
æqualis imago rei uisæ appareat. Quando igitur oculus est in sub
tiliori diaphano, & densioris dia
phani conuexum, oculo obuer
titur, ac res uisa intra oculum et centrum fuerit, imago major, et
propinquior apparebit re uisa. Sit A oculus, res uisa B C, intra o
culum & F centrum diaphani conuexi G H. Si itaque oculus cum
re uisa essent in medio eiusdem diaphaneita
tis, uideretur res sub angulo B A C. Sed cum
radius B G, & C H à perpendiculari F H N, oc
currente subtiliori diaphano, franguntur à
perpendiculari F G M, ad uisum in A, & ima
go puncti B uideatur in communī concursu
perpendicularis F B D, ac radij A q ab oculo
in directum continuumq procedentis, note
tur cōmuni sectio nota K, similiter cō
muni sectio perpendicularis F C E, & radij
A H nota L, pūcta K L iungant linea recta. Li
nea igitur K L, referet imaginē linea B C, quā
& propiorem & maiorem esse appetet quam
lineam B C. Et hæc est ratio, quare res uisæ,
in aqua, & propiores, & maiores appareant
quam re ipsa sint. Aquæ enim superficies est
sphærica, tametsi nobis propter magnitudi
nem uideatur plana, ut demonstratur à phi
losopho





titur, ac res uisa intra oculum et centrum fuerit, imago major, et
propinquior apparebit re uisa. Sit A oculus, res uisa B C, intra o
culum & F centrum diaphani conuexi G H. Si itaque oculus cum

re uisa essent in medio eiusdem diaphaneita
tis, uideretur res sub angulo B A C. Sed cum
radius B G, & C H à perpendiculari F H N, oc
currente subtiliori diaphano, franguntur à
perpendiculari F G M, ad uisum in A, & ima
go puncti B uideatur in communī concursu
perpendicularis F B D, ac radij A q ab oculo
in directum continuumq procedentis, note
tur cōmuni sectio nota K, similiter cō
muni sectio perpendicularis F C E, & radij
A H nota L, pūcta K L iungant linea recta. Li
nea igitur K L, referet imaginē linea B C, quā
& propiorem & maiorem esse appetet quam
lineam B C. Et hæc est ratio, quare res uisæ,
in aqua, & propiores, & maiores appareant
quam re ipsa sint. Aquæ enim superficies est
sphærica, tametsi nobis propter magnitudi
nem uideatur plana, ut demonstratur à phi
losopho




Iosopho in libris de cælo, & hoc loco p principiō assumitur. Et hucus conuexitatis centrum & totius globi terrestriū centrum. Res idcirco quæ à nobis in aqua conspiciantur, sunt intra centrū & oculum. Si uero centrum ponatur intra oculum, in subtiliori medio, & rem uisam in densiori, itidem apparebit res maior, sed remotior, ut uidere licet in secunda figura. Amplius sit oculus in diaphano densiori, & res uisa in subtiliori intra centrum & oculū, imago apparebit remotior & minor. Hoc patet ex tertia figura, in qua imago linea b c, est linea k l, longe minor quam b c. Sed oculo in densiori diaphano, cetero existente inter rem uisam & oculum, videbitur imago propinquior & minor, sicut quarta refert figura. Potest tamen quandoq; sphæra alterius dispositionis concursus dictarum perpendicularium esse cum re uisib; in loco ipsius rei uisibilis, & tunc apparet res in ueritate situs & quantitatis suæ.

■ 2 Propo



Propositio X.

Rem uisam, existentem in diaphano densiori, sit oculus, & superficiem habentem planam, necesse est apparere maiorem quam sit




Quoniam enim ipsa res uisa, propinquior appareat quam sit, semperque sub maiori angulo oculo praesentatur, quam si uideretur per directos radios, manifestum est rem quoque maiorem apparere, quam sit secundum ueritatem. Maior namque angulus ad aequalem uel maiorem distantiam relatus, rem maiorem esse iudicat, sicut ex primo libro patet. Verbi gratia, sit res uisa existens in aqua GQ, oculus uero A, planum est, quod GQ uideretur in aere sub angulo G A Q, uideretur etiam in loco suo, sed propter aquam franguntur radij QC & GB in ingressu aeris, & uidetur res sub angulo B A C, qui est maior illo qui continetur sub G A Q. Item res non appetat in loco suo, sed in linea K L, ut supra patuit propositione V. Idem comprobat, quoniam radiorum cum catheto in huiusmodi diaphano semper est inter uisibile & uisum.

Propositio XI.

Concauitate diaphani densioris ad oculum uersa, accidit conuerso illi, quod contingit conuersa ad oculum conuexitate.

Quando

Quando enim oculus est in subtiliori medio, & concavitas obuersa oculo, ac oculus intra cētrum & rem uisam, imago quidem propinqua uidebitur, sed minor. Idem fit, cæteris paribus, quando centrum inter oculum & rem uisam collocetur. Oculo vero existēte in densiore medio, cōcauitate tenuioris ad oculū conuersa, siue oculus sit inter rem uisam & centrum, seu centrū inter oculū & rem uisam, apparet imago remotior & maior, quæ omnia in sequentibus patent figuris.




Propositio XII.

Stellas ex refractione, necesse est, minores apparere quam sint, & cib si directe in tanta distantia apparerent.

Hoc loco stellæ & media secundum naturalem dispositionē, considerandæ sunt, exclusis uaporibus, & perpetua illa causa, quod minores circa uerticem quam in horizonte apparent, de qua lxxxxi. propositione primi huius dictum est. Nec etiam hoc pertinet, quod in oppositum x, huius, universaliter, res

PERSPECTIVAE COMMUNIS

quæ est in perspicuo plano, oculo existente in perspicuo densiori, apparet minor quam sit. Hæc autem est huius demonstratio.



Cum enim locus imaginis sit in concursu perpendicularium procedentium à re uisa, & radiorum uisualium, cumq; iste concursus propinquior sit uisu quam corpora stellarum. Erit igitur locus imaginis, in loco propinquiori cono dictæ pyramidis, Quare & stella minor apparet. Sit stellaræ quæ uidetur circumferentia AB, & ducatur inde perpendiculares in centrum mundi, quæ sint AC, & BC, sicq; uisus D, ad quem ducantur linea AD & BD. Certum est quod per istas stella non uidetur. Nulli enim radj sine refractione ad uisum perueniunt. Cum igitur radj sub quibus sit uisus, frangantur ad perpendicularē, ut concurrant ad uisum in D, non cadent ambo extra AD & DB, sed uel ambo intra, uel unus saltem extra, & alter intra.



Et sunt AE & BF, qui franguntur in punctis E & F, & cadunt in D. Si igitur queratur, ubi radj DE & DF, cum pyramide ACB concurrat? Planum est quod citra corpus stellaræ, propter stellarum improportionabilem stellarum à nobis distantiam. Ergo minores apparent, quam si directe uiderentur.

Propositio XIII.

Stellas in horizonte propinquiores Aquilonij appearere, quam Meridionali circulo propinquantes.

Hoc probo sic. Ducatur linea inter ortum, cuiuscunq; stellaræ ad meridiem declinantis, & occasum eius. Ducatur & alia eiæ quæ distans per oculos inspectoris, utrincq; ad latera horizontis. Dico quod accessus stellaræ ad meridiem, uel elongatio ab Aquiloniæ secundum compræhensionem distantiae harum duarū linearum

linearum. Certum est autem, quod harum duarum linearum distantia in medio facilius apprehendi potest, quod est aspectus propinquius, & etiam ex latitudine terrae,
quæ in meridie extenditur, quam in extre-
mis, quæ magis elongantur à uisu. Et linea
terminalis distantiae harum duarum linea-
rum utrobicq; sub acutiori angulo uidetur,
ç linea distantiae in medio. Verbi gratia, sic
prima linea A B, secunda C D, sitq; uisus E, & li-
nea mediae distantiae F G, extremæ vero distan-
tiae H K. Planum est, qd lōge maior est angul⁹
F E G, ç H E K. Autor aut Perspectivæ, hæc di-
uersitatē attribuit fractiōi, qā cū stella est in
pūcto uerticali, uidetur sub radijs ppendicu-
laribus, & non fractis. Cum autem est in ho-
rizonte, uidetur sub radijs fractis & reflexis,
uel fractio causa est, ut magis uideantur appropinquare Aqui-
loni. Hæc ratio etiæ bona est, tamē nō uidetur accōmodari pos-
se omnibus stellis. Quia nō solum stellæ quæ transeunt per pun-
ctum uerticale, sed etiam multæ aliae, quæ multum à uertice elon-
gantur, sicut Sol & aliae u' tra uel citra tropicum hyemalem sic se
habent, quod remotiores à polo apparent cum sunt in sublimi,
& tamen certum est, quod sub radijs fractis utrobicq; uidentur.
Item stellarum per uerticem trāseuntium, unus solus radius per
pendicularis, & non fractus intrat oculum aspicientis. Non igit
tur una ratio sine alia sufficit. Fractionem autem esse causam, ut
stella Aquiloni appareat magis appropinquare,
patet sic. Sit circulus magnus A B, in quo sit stella
sitq; circulus minor huic concentricus signans
sphærām ignis, & posito oculo in D, ducātur duæ
lineæ A D & B D. Planum est, quod sub his radijs a
stella non uidetur. Radius igitur sub quo uidetur
a pūctus, aut cadit extra lineas istas, scilicet Aq



Ioni

PERSPECTIVAE COMMUNIS

Ioni propinquius, aut infra. Si extra ut in c, frangatur igitur ad perpendiculararem c f, & cadat in d, si ponatur cadere infra A D, id est remotius ab Aquilone, impossibile est quod cadat in punctum d, quia frangitur ad perpendiculararem. Videbitur igitur punctum A in h, loco magis ad Aquilonem. Eadem ratione necesse est, ut punctus b uideatur eleuatus, & ita locus imaginis totius stellæ est ad Aquilonem eleuatus, uideturq; eius imago altius supra horizontem g f, quam sit in ueritate. Quapropter oriente Sole uel Luna uel alia stella, anteq; sit perorta eius medietas, potest nobis apparere totaliter perorta. Imo stella existet sub horizonte, potest nobis apparere supra horizontem.

Propositio XIIII.

Omne quod uidetur, directe uidetur & refracte, una tamen eius existente imagine.

In primo libro ostensum est, quemlibet punctū rei uisit, sileare punctū sibi oppositum in glaciali, per radios super cornēā perpendiculariter orientes. Sed quia quilibet punctus in omnem partem medijs spargit lucem suam, necesse est, qnod quilibet punctus rei uisibilis, totam occupet pupillam, & quilibet punctus, in quolibet punto glacialis radiet. Sed quia ab uno punto super oculum non potest egredi nisi unus radius perpendicularis, frangatur igitur oēs, prater unū in ingressu corneæ. Ipse autem punctus apparet in loco suo, ubi fractus radius concurrīt cum perpendiculari. Et quamuis in quolibet punto perpendicularis obrumbret fractum, radij tamen fracti ad hoc ualent, ut res, ex cōcursu utriusq; luminis, clarius uideaſ.

Propositio XV.

Per fractionem, multa extra pyramidem radiosam uideri.

Pyramis radiosæ, est aggregata ex radijs perpendiculariter super corneam orientibus, & foramen uueæ intrantibus, quod paruum est. Multa ergo ex latere uidentur imperfecte, quæ intra dictam pyramidem non continentur, sicut ad sensum patet. Et quæ sic uidentur, debiliter uidentur. Cum enim omnes in ingressu corneæ frangantur, tantum per radios tractos uidentur.

Propositio XVII.


Ex concursu radiorum fractorum, pos-
sibile est ignem generari.

Quod radij reflexi ignem generare possint, pa-
ret ex XVII. & penultima secundi huius. Contin-
git etiam idem in corporibus diaphanis rotun-
dis, solaribus radijs expositis. Sed inter specula &
diaphana haec est differentia, quoniam in speculis
generatur ignis inter speculum & Solem; in dia-
phanis autem, econuerso ipsum diaphanum in-
terponitur. Verbi gratia, Sit cristallus rotun-
da, cuius diameter sit A Z, cadantq; à Sole in o ra-
dij o C, o S, o I, o P, o Q. Certum est quod solus o i
cadit in centrum A, proceditq; non fractus usq; in H. Alij ergo franguntur ad perpendiculararem,
& cadunt à c in B, ab s ad G, à p ad M, à q ad N. Ve-
niens ergo radius C B ad superficiem aeris conca-
uam, non procedit directe in E, sed frangitur à per-
pendiculari B K usq; in H, & sic de alijs, quibus ag-
gregatis, rarefacto aere, ultra terminos suæ spe-
ciei, ignis generatur.

Propositio XVIII.

o

Omnis



PERSPECTIVAE COMMUNIS

Omnis radius directus, reflexus, uel fractus, tanto debilior est adurento, quanto minus figitur in obiecto.

Et hoc potest esse, uel ex motu obiecti, uel ex motu luminosi. Obiecti quidem, sicut propter uelocem motum fluminum, non sunt in eis tantæ exhalationes, quemadmodum in aquis mari- nis, propter quod & falsoidine carent. Propter motum autem uelociorem luminosi, accidit quod sub æquinoctiali circulo temperatior est habitatio, quam sub quoquis alio parallelo. Habitantibus enim sub æquinoctiali, tantum Sol commoratur supra Horizontem, quantum infra. Dieruinçp calor ex æquo temperatur noctis frigiditate. Sed quibus Sol aliquot diebus uel mensibus est supra Horizontem propter perpetuā Solis præsentiam, feruentissimū calore sentiunt. Inde est, quod et si breuem in Lithuania propter sphæræ obliquitatem æstatem habent, tamē eorum fruges copiose & cito crescunt & maturescunt. Contra hyemem propter Solis exiguum super eoru Horizontē morā habeant rigoriorem. Hac itaq; de causa, quo magis dies æquantur suis noctibus, alicuius regionis, eo temperatior censenda. Qnod tamen præcipue de ijs intelligendum est, qui radios Solis perpendiculares non sentiunt,

Propositio XVIII.

In generatione Iris, trium prædictorum generum concurrere radiationes,

De radijs rectis patet, quia Iris generatur ex opposito Solis. De reflexis certum est, quoniam stillæ sphærulae, quædam sunt speculares, leuis superficie, in modū aquæ radios reflectentes. De fractis insuper patet, quoniam lumen Solare intrat in profundum aquæ, quamvis reflectatur.

Propositio

Causam rotunditatis Iridis, principaliter consistere in nube.

Quando enim nubes regulariter suspensa est, terrae æquedistantes, certum est, quod roratio regulariter descendit, & hoc ad circularitatem sufficit. Aquæ enim nebulosæ suspensa, & irregulariter, non habent in se impressionem regularem. Quidam autem ponunt causam ex parte radiorum, & dicunt, quod lumen radiosum intrat nubem roridam, & inde ultra nubem concurrit in puncto uno, sicut declaratur in X v. huius. Post concursum autem ipsum lumen iterum dilatari in pyramidem, cuius medietas cadat in nubem, & faciat per consequens impressionem semicircularem, alia uero medietate cadente in terram. Sed ad hanc opinionem conuelleandam, cadat radius Solaris per foramen rotundum, certum est, quod erit rotundus: opponatur ei lapis hexagonus, generans colores Iridis, certum est, quod generat Irism, eamq; non in figura radij, quæ est orbicularis, sed in figura lapidis, quæ est columnaris. Si ergo cōsimilis passio, consimilis habet causam, oportet, ut causa figuræ arcus Iridis, quaerenda sit in nube, & non in radio. Item hæc positio est contra sensum. Quia Iris generatur à Sole sine aliquo interposito, in nubem roridam radiante. Quod lumen radians in nubem uocat Philosophus radius rotunditatis. Lumen enim figuram accipit à medio in quo est. Alij ponunt rotunditatem in radio ex se ipso. Dicunt enim quod radij pyramidaliter egreditur à Sole, & medietas eius cadat in nubem, & faciet dictam figuram. Sed hoc nihil est, quoniam sic de toto lumine Solari, ergo quisibet punctus Solis, implet totum hemisphærium lumine suo. Si de particulari aliqua pyramide, igitur pyramides non sunt à se distinctæ, & ab iniucem diuisæ, sed unum est corpus continuum lucis, in se potentialiter infinitas pyramides continens, quarum

PERSPECTIVÆ COMMVNIS

dam habent conum in luminoso, & quædam in obiecto uel
medio.

Propositio XX.

Diversitatem colorum Iridis, tam ex nubis, quam
luminis uariatione prouenire,

Nubis uariatio, ex hoc accidit, quod roratio descendit ad
centrum & angulum. Est igitur per consequens inferius stri-
ctor, & superius latior. Certum enim est, quod omnia grauia
descendunt ad angulum, & ita non potest esse pyramis rotun-
da, quæ habeat conum sursum, & latitudinem deorsum. Supe-
rius igitur est lata, & paulatim descendendo densior, cum propter
pyramidis coangustationem ex descensu ad angulum proue-
nientem, tum propter hoc, quod grossiores partes citius descen-
dunt, aptior est superius ad colores nobiliores, & luci conformio-
res, & inferius minus. Potest etiam esse diversitas à parte lum-
inis directe in pubem cadentis, & magis fracti in singulis par-
tibus nubis. Sed & reflexio à stillis, sup alias stillas, quæ omnia
in lumine magnam solent diuersitatem efficere, ut in primo hu-
ius pertractatum est. Quod autem dicunt quidam, in eisdem nu-
bis partibus, diuersos generari colores, nec in omnibus illis ap-
parere, sed in illis tantum, ad quos radij eos constituentes refle-
ctuntur, mihi non sit uerisimile. Quoniam impressiones quæ-
cunque, non uidentur per radios à quibus generantur, sed per spe-
ciem propriam, extra locum reflexionis, sicut patet in radio tran-
seunte per uirum coloratum, usq; in corpus oppositum. Idem
est uidere in coloribus, qui generantur in lapidibus hexagonis,
& ex omni parte uidentur. Quæ autem falso dicuntur de Iride,
ut plurimum refelli possunt, ab his, quæ in huiusmodi lapidibus
conspiciuntur.

Propos.

Generationem Iridis cataclysmum excludere.

Excludit quidem per modum signi conuenienter dati, sed non est sufficiens significatio serenitatis. Non enim omnis resolutio, sed subtilis tantum parit Irudem. Colores enim nobiles in Iride concurrentes, quales pictor imitari non potest, densorum nubium obscuritas, & grossa resolutio, non admittunt. Iris igitur hac ratione significat resolutionis humidae paucitatē, ideoq; oppositum cataclysmi. Amplius tanquam causa, reflexorum radiorum a nubibus concursus cum radijs directis, ad hoc non nihil facit. Non enim generatur Iris in nubibus, in omnino densis, oportet siquidem quod radij Solares libere transeant in nubes ex opposita parte cœli sitas, & cum radijs directe incidentibus concurrant, ex quorum concursu fiat vaporum attenuatio, ut pluiae materia consumatur. Hæc autem intelligenda sunt, cum Iris generatur secundum quantitatem semicircumferentia, aliquando enim sit secundam modicam quantitatem,

Lucem Solarem & sideralem, in perspicuo puro efficere galaxiam.

Quidam hoc loco Philosopho contradicere non erubescut, & dicunt galaxiam non generari in ignis purissima regione. Quasi impressio fieri non possit in corpore transparente, cum tamē contra videamus Solarē radiū in domo subobscura, per aerem transuentem, quamvis in aere non sit sensibilis densitas, tamen uehement-

53 M.
PERSPECTIVAE COMMVNIS

tissima radiatio ipsius lucis, se abscondere non potest. Multiplicatio igitur radiorum stellarum concurrentium in suprema parte ignis, potest ibi ex eadem ratione, sensibiliter apparere.

FINIS PERSPECTIVAE
COMMVNIS.

॥ ॥ ॥ ॥ ॥ ॥

